





文苑英華卷第八百七十六

碑三十三

陵廟

梁宣帝明帝二陵碑一首

郴州羅池廟碑一首

白楊神祈雨碑一首

野廟碑一首

梁宣帝明帝二陵碑

韓休

有梁拓跡開統建邦立號皇業始於憂勤霸功成於海縣  
乃昭事上帝惠綏遠人文軌通於四表正朔繼乎三代屬  
天步未夷皇綱中圯巨猾開豐大盜潛移宗廟鞠為禾黍  
衣冠剪為戎狄則我梁之業將墜於地國之郊裡蓋無主  
矣而天未絕商鼎猶祀夏炎精翳而復揚文德懿而方肇  
明命斯在神休允歸則我中宗宣皇帝代宗明皇帝乘彼



樂推撫其歸運者矣宣皇帝諱睿明皇帝韓歸姓蕭氏蘭陵中都里人也房雲祚商大火封宋功昭革夏之業德盛明周之禮故能慶緒崇緬哲源浩濬樂敷之封旣命遂列於諸侯高辛之祚克昌俱有於天下始宋公子食采於蕭國以得氏其後居于豐沛自漢丞相何侍中彪奕世載美不忝前列洎于裔孫整東晉淮陰令始渡江居于南徐州之蘭陵焉整生雋及鎔雋曾孫道成是爲齊高帝鎔以四代孫丹陽尹順之生高祖武皇帝衍高祖生昭明皇帝統宣皇即昭明皇帝之子明皇即宣皇帝之子也降元精之吉乘正陽之氣星斗發祉日衡兆祥德叶於天地之和名書於帝王之錄故其本枝崇慶歷試肇迹勿用而履夫重

剛明夷而蒙彼大難乃鞠旅樊沔投戈雍梁政始東國

行南紀取長沙而兵不血刃戰江夏而舉無遺策推賢用

之而如不及委政授之而心不疑一作不疑心誅徼弄而廓天

關掃欒捨而清帝座遂撫方夏用膺徽號訓兵同於一旅

申命式于九圍克祗上靈之睭光啓中興之業于斯時也

飛鴻滿野戎馬生郊庭旅荆棘室同煨燼由是躬大禹之

菲薄同衛文之節儉千里襁負一年成都適其樂國歸我

有道者盖同于遷幽而居此也於是蒐夢澤朝渚宮五德

配天二郊在國不失舊物重覩漢官之儀叶于新命還乘

宗周之禮用能布令結援脩好申盟我譽延乎四方人心

洽於一德始則誕受多福終亦繼明重熙豈維敵國挫師



克申威武信亦強隣結好芬若椒蘭謹其外震弘我邦本  
孝心虔於綬冕儉德過於茅茨立教以至仁為宗弘風以  
清淨為樂豈非古之聰明神武而不殺者夫方欲觀兵上  
國清蹕中壤混一區宇削平四方而乾道臨於大過雄圖  
屈於知運霸功則肇王業未弘雖慷慨於當年竟遲回於  
卒歲者矣嗚呼陵谷驟改市朝無處荒墳歸然蔓草蕪沒  
孟嘗尊貴獨愴雍門之言魏武英威空留士衡之吊有可  
悲矣嗣子琮屬金陵畢氣天祿末終山川不出於伯符曆  
數有同於歸命終我梁祚是為虞賓其天意也豈人事也  
次子珣梁南海王隋左光祿大夫梁國公食邑三千戶贈  
遷州刺史承百祀之重稟二宗之慶恩昭異代禮崇備物

予鈞皇朝中書舍人率更令崇賢弘文兩館學士鈞子  
皇朝渝州長史贈吏部尚書疇其慶靈俾爾戩穀盛名昭  
於海內高秩謝於人寰實彰燕翼之宜克享褒崇之禮嗣  
子曰嵩金紫光祿大夫吏部尚書兼中書令河西節度經  
略度支營田九姓長行轉運等副大使知節度事判梁州  
事赤水軍使檢校天下諸軍兵募健兒使集賢院太學士  
上柱國徐國公秉靈迪哲體道弘正自我人秀惟其國禎  
亮采而三階已平疇咨而九功式序糾易王愆緝熙邦政  
文武體用清明在躬地奉紫垣之寵門延絳河之貴未言  
孝思式是前烈雖大統云集而鴻芬莫記時逢喪亂跡昧  
於亡隋之年運屬光華功盛於有唐之日丘墟遂遠碑表



莫存豈使配天之功不勒於金石終古之美永翳於丘山  
式繼武於烝夷俾披文於大隧緬思至道俯課虛懷幸陪  
論政之餘空愧知音之託乃為銘曰

天祚我梁受命而王於穆烈祖昭惟武皇德配華夏功成  
剪商克受丕祉弘茲太康陰極為剝泰終而否九伐未脩  
四郊多壘戎州孔熾王室如燬不有繼明執彰代祀四子  
有命二宗代興曆數攸在天人叶徵靈心允洽玄德昭升  
奄有成命其歸與能長江作限上京未復末念殊邦思同  
比屋拔山雖壯逝水何速嗣王不辰終我天祿洪惟德門  
卓彼孝孫弼我王道弘其政源式播前烈貽厥一作後昆  
勒茲琬琰末馥蘭芬一作已矣焉哉招丘一望盡煙埃楚

巖斷兮荆門開緬千里以環繞一作見二陵之崔嵬銅六  
虛兮總帳暗金扃閔兮黃鳥哀嗚呼百年人畏其神者豈  
獨軒轅之臺

柳州羅池廟碑

韓愈

羅池廟者故刺史柳侯廟也柳侯為州不鄙夷其民動以  
禮法三年民各自矜奮集有茲上雖遠京師吾等亦天氓  
今天幸惠仁侯若不化服我則非人於是老少相教語莫  
違侯令文粹九有所為於其鄉里及於其家皆曰吾侯聞  
之得無不可於意否莫不忖度而後從事九令之期文粹  
期之民勸趨之無有後先必以其時於是民業有經公無  
負租流逋四歸樂生興事文粹宅有新屋步文粹有新



船池園潔脩猪牛集注鴨鷄文粹作肥大蕃息子嚴父詔

婦順夫指文粹嫁娶葬送各有條法出相弟長入相慈孝

先時民貧以男女相質久不得贖盡沒為隸我侯之至按

國之集注有故以備除本悉奪歸之大脩孔子廟城郭巷

道文粹皆治使端正樹以名木柳文粹民既皆悅喜與

其部將四字石本作嘗與其部魏忠謝寧歐陽翼飲酒驛

亭謂曰吾棄於時而寄於此與若文粹等好也明年吾將

死死而為神後三年為廟祀我及期而死三年孟秋辛卯

侯降于州之後堂歐陽翼等見而拜之其夕夢翼而告文粹

有之曰館我於羅池其月景辰廟成大祭過容李儀醉酒

慢悔堂上得病諸本扶出廟門即死明年春魏忠歐陽

謝寧來京師請書其事于石余謂柳侯生能澤其民

能驚動禍福之以食其土可謂靈也已作迎享送神詩遺

柳民伴歌以祀焉而并刻之柳侯河東人諱宗元字子厚

賢而有文章嘗位於朝光顯矣已而擯不用其辭曰荔子

丹兮蕉黃雜肴蔬兮進侯堂侯之船兮兩旗渡中流兮風

泊之待侯不來兮不知我悲侯乘駒兮入廟慰我民兮不

嘖以笑鵝之山兮柳之水桂樹團團集作如此是英兮白

石齧齧候朝游兮暮來歸春與猿吟兮秋鶴與飛文粹作

飛北方之人兮為侯是非千秋萬歲兮侯無我違福我兮

壽我驅厲鬼兮山之左下無苦濕兮高無乾秔稌充羨兮

虵蛟結蟠我民報事兮無怠其始集注一自今兮欽于世



世

白楊神新廟碑

令狐楚

道太原而北列郡數十鴈門爲大在周秦時與山戎林胡  
犬牙其疆國家以文德柔惠而驅去之北跡距塞口猶千  
里而遠若內地控于通都秩二千石者非休勲懿德則名  
王旄士乙亥歲今尚書隴西李公蕙刺并部選第郡政之  
尤異者得昌化守南康郡王河南元韶首表其名遽聞于  
天璽書勞勉移理於代惟南康以壯事老謀遠事先侍中  
平王則尚書郎寧王勤於君惠於人而敬恭於神由是神  
降之福人懷其德是歲夏五月赤車彤襜至自石州初一  
日會計于官次察掾吏之勤隋次二日存問于里閭求久

民之利病旣三日徧祭于山川神祇蓋無停陰鑿不輟  
于郡東凡四十里白楊有祀實代之主也嚳水旁注鴈門  
山前峙礧礧相抵爲堆爲阜蔚蒼柯條如虬如龍廣僅百  
畝厥高又倍信可以回薄日月而避逃風雨豈朔漠之氣  
疑結於此乎坤元之精决泄於此乎不然其何以巍巍蒼  
蒼將欲戛若木稍扶桑卑大椿於漆園小蟠桃于東方與  
夫古墓多悲蕪城早落者不同品矣按諸經記且曰昔元  
魏高祖孝文由一成而宅九有起雲中而馭天下損益三  
代憲章百王厥初經營由此途出繫馬其下歇鞍于枝威  
靈所憑別白而在旣偃頓以附土又跳騰而架空如有高  
掌蹠爲鳥勢形洎今朝中書令燕公說摹詠其事

張公白  
揚篇之



卒章云欲識前王塔鞍處正北亩抽一小枝戶部侍郎吉公中孚申而明之建

初吉公以萬年尉為黜陟判官至此為之歌序具載其事焉故迹彌顯高名益大為屏

為圖播于海隅代人神之是以祠也而舊規相襲未甚弘

麗簷牖東嚮掾案內奐有祆蠱之氣無尊嚴之威式車馬

者以避禍非以致敬奠蘋蘩者惟徼福不惟饗德猶此祀

也不亦淩疑孝文於代乎南康其孫也大懼夫祖德之墜

于地因愀然而言曰於古有召公奭以區區陝服為周三

伯行野聽訟憇於其棠後之必思其人猶愛其樹其在詩

曰勿剪勿伐召伯所茇矧我烈祖有開國之武麗天之文

撫正萬方照臨四海而又儲祉降德于後子孫俾不佞起

冢而王專城為守愧不能顯揚先美使若黃帝幸若之使

使理此土敢贖於祭祀是藝于功烈而速其罪戾也一年

因農之隙而易其地二年乘歲之豐而改其製不三四年

得請于上而新廟成南面衮服所以稱尊也兩楹阼階所

以定位也築墉于外所以禦侮也設屏于前所以修容也

耽耽沉沉顯敞靚深不風而清無雲而陰前王戾止之儀

於是乎在裔孫聿追之孝於是乎舉不唯禁淫祀廢非禮

抑亦開明德摛耿光欲使異日觀者不俟請書問俗而知

樹之所由植廟之所由崇諗於有知僉曰非頌聲不可初

南康之典化額嘗客焉迄今剖符則又備位于隴西公之

府相得最舊見繩為文故敢徵成之功與作之義篆刻貞



曰

蔚彼白楊叢生鴈門蒙暑翳寒晴天色昏巨抵交柯龍翔  
虎眠從古強名莫知其原惟昔魏帝于枝息鞍懸垂低昂  
厥迹猶存犬畏其力小懷其恩爰有靈祠號為神明二扉  
不尙四簋不陳樵蘇所往雉兔為隣於鑠良牧時惟孝孫  
下車之初致敬而言蔽芾其棠猶思其人綿綿葛藟下庇  
于根乃正名居式崇藩垣山立當宁翼張重軒有赫斯皇  
既嚴且尊允矣君子孰如其仁大椿之年細柳之軍吾與  
元也人誰間然欲載其功莫先於文編詞琢石終古不遷

野廟碑

陸龜蒙

碑者悲也古者懸而空用木後人書之以表其功德因

之不忍去碑之名由是而得自秦漢以降生而有功德

事者亦俾之而又易之以石矣其稱矣余之俾野廟也非

有功德政事文粹作政可紀直悲夫此竭其力以奉無名

之土木而已矣甌粵間好事鬼山椒水瀕文粹作濱多淫祀其

貌有雄而毅黜而頑者則曰將軍有溫而愿哲而

少者則曰某郎有媪而色文粹作尊嚴者則曰媿有婦而容艷

者則曰姑其居處則敞之以庭堂峻之以階文粹作陛級左右

老木攢植森拱蘿葛翳其集作上臬鶚集作室其間車馬

徒隸集作叢雜恠狀文粹作作之文粹作之文粹怖之大者推牛次者

擊豕小不下犬鷄浙本作魚菽之薦牲酒之奠缺於家可

也缺於神不可也一日文粹作廟懈怠禍亦隨作耄孺畜牧慄



慄然病疾滅

蜀本作滅

喪昨不日適丁其時耶而自感而

其集作

生耶

此字無

悉歸之於神雖然若以古言之則戾以

今言之則庶乎神之不足過也何者豈不以生能禦大災

捍大患死

死字文粹作其死也

則血食於生人無名之土木不當與

禦災捍患者為比是戾於古也明矣今之雄毅而碩者有

之溫愿而少者有之升階級坐堂筵耳絃匏口梁肉載車

徒

集作馬

擁僕

文粹作徒

隸者皆是也解民之懸清民之暵未嘗

術

浙本

于曾中民之當奉者一日懈怠則發悍吏肆淫刑

毆之以就事校

浙本

神之禍福孰能

浙本

輕重哉平居無

事指為賢良一旦有大夫之憂當報國之日則惟撓脆怯

顛頓

文粹

竄路乞為囚虜之不暇此乃纓弁言語之土木

其又何責

文粹有

真土木耶故曰以今言之則庶乎神

不足過也既而為詩以亂其刑曰

二字集粹作未

土木其形竊吾民之酒牲固無與

集粹

名土木其智竊吾

君之祿位宜如何

集粹作

議祿位願七酒牲甚微神之饗

也孰云其非視吾之俾知斯文之孔悲



文苑英華卷第八百七十七

碑三十四

祠堂

蜀丞相諸葛亮碑一首

魏府狄梁公碑一首

蜀丞相諸葛亮祠堂碑

裴度

度嘗讀舊史詳求往哲或秉事君之節無開國之才得立

身之道無治人之術四者備矣尊集本文粹作兼而行之即二本則

蜀丞相諸葛公其人也公本系在簡策大名蓋天地不復

以云當漢祚衰陵人心競逐取威定霸者求賢而不及藏

器在身者擇主而後動公是時也躬耕南陽自比管樂我

未從虎時稱卧龍詩曰潜雖伏矣亦孔之炤故文粹作荆非州

平心與元直神交泊乎三顧而許以驅馳一言而定其機



勢繇是翼扶劉氏續承舊服結吾抗魏擁蜀稱漢刑政達乎荒外道化行于域中誰謂阻深殷爲強國誰謂蓬脆勵爲勁兵則知地無常形人無常性自我而作若金在鎔故九州之地魏有其七我無其一由僻陋而啓雄圖出封疆以二本而延大敵財用足而不曰浚我以生干戈動而不曰殘人以逞其底定南方也不以力制而取其心服震文粹作攝諸夏也不敢角其勝負而止候其存亡法加於人也雖徒文粹作從死而無怨德及於人也雖奕葉而見思此所謂精義入神自誠而明者矣若其人存其政舉則四海可平五服可傾而陳壽之評未極其能事崔浩之說又詰其成功此皆以變詐之畧論節制之師以進取之方語化成之道不

其謬歟夫委棄荊州不能遂有三郡此乃務增德以吞

苗不讀武以爭尋常及出斜谷據武功分兵屯田爲文粹作謀

久駐之計與敵對壘待可勝之期雜乎居人如適虛邑彼

則喪氣我方養威若天假之年則繼大漢之祀成先主之

志不難矣且權傾一國聲震八紘而上下無異詞始終無

愧色苟非運膺五百道冠生知曷以臻於此乎故玄德知

人之明者倚仗曰魚之有水仲達姦人之雄者嗟稱曰天

下奇才度每迹其行事度其遠心願奮短札以排群議而

文字虫鄙日日文粹作志願未果元和二年冬十月聖上以西

南奧區寇亂餘烈文粹作業罷吐未息汙俗未清輟我股肱爲

之父母乃詔相國臨淮公由秉鈞之重乘二本作承推轂之寄



戎軒乃降藩服乃理將明帝道陬落綏懷溥暢仁風問闢  
滋殖府中無留事宇下無棄財人知嚮方我有餘地則諸  
葛公在昔之治與相國當今之政異代而同塵矣度謬以  
庸薄獲參管記陪二本作隨旌旄而爰止望祠宇而脩謁有儀  
可象以赫厥靈雖徽烈不忘而碑表未立古者或拳拳一  
善或師長一城尚流斯文以示來裔况如在之嘆終古不  
絕文粹其可闕乎乃刻貞石庶此都之人存必拜之感云  
爾銘曰

昔在先主思啓疆宇擾攘靡依英雄無輔爰得武侯先定  
蜀土道德城池禮義干擗煦二本如此是英華物如春化  
人如神勞而不怨川之有倫柔服蠻落鋪敦文粹作涓瀆

攝跡畏威雜居懷仁中原盱食不測不克以待可勝允  
其極天未悔禍公命不果漢祚其亡將星中墮反旗鳴鼓  
猶走司馬死而可作當小天下尚父作周阿衡佐商蕪齊  
管晏總漢蕭張易代而生易地而理遭遇風約亦皆然矣  
嗚呼竒謀奮發美志天遏吁嗟嚴立咸受謫罰聞之痛之  
或泣或絕其棠勿翦駢邑斯奪繇是而言殊途共轍本於  
忠恕孰不感悅苟非誠懿徒云固結古栢森森遺廟沉沉  
不殄禋祀以迄于今靡不駿奔若有照臨蜀國之風蜀人  
之心錦江清波王壘峻岑入海際天如文粹公德音

魏府狄梁公祠堂碑

馮宿

后不可以獨臨必誕生岳靈扶旣傾繫將絕茲梁國狄公



是已興於天授之朝蘊沉謀奮奇節也物不可以終否必  
繼起邦傑欽往績懋來功茲沂國田公是已挺乎河朔之  
郊創新祠脩舊典也初梁公出牧于魏實宜斯人罔遂乞  
留則深遺愛闔境同力生祠其神畏威懷仁如在乎上祈  
恩徼福亦若有答洎胡起幽陵毒痛中邦腥羶遺餘漸漬  
厖俗六十年于茲矣戰血滿野忠魂歸天階祀之容隱嶙  
猶在元和壬辰歲我天子恢拓千古之不庭凡在率土罔  
不來服維元侯保和一心之有衆舉茲列城表正多方歸  
職貢而奉官司尊漢儀而秉周禮鳳鳴而臯音革蘭芳而  
棘刺死甘醴湧而盜泉竭慶雲飛而濁祲消四郊廓清萬  
方丕變然後辯正封疆咨謀耆老得是舊址作爲新祠焉

材備功藏事頒役上下有度東西惟序披圖以立儀像擬  
品以昭命數不僭不偏經之營之越十月五日厥功成沂  
國公於是乎請護軍追賓寮將校虎貔之群撰吉而致饗  
焉先一日執事設次于門西設柔毛翰音膻肥鮮膏之具  
以俟詰朝公至則改命服于次率護軍等升拜將校已下  
次拜于堂下公親酌以奠揚解而言曰昔者皇風中微陰  
沴勃興六宮弄其神器萬乘遜于羅川生人之耳目盡迴  
元老之肺肝彌固蹈履虎尾攘奪鯨口難除蔓草扶持忠  
賢元良克正萬國居貞秘策潛授五王奮起包復夏之大  
業於心術貽安劉之末圖於身後再造唐室時維梁公顧  
不腆之是羞獲守茲土寔群師與三軍之衆逮封內之黎



老勤請于天王天王重違斯人而鑒厥誠未及浹辰而璽書金印命服瑞節一日駢至於是又頒非常之清問下莫大之洪澤馬逐逐車闐闐野接跡空駕肩彼感心與喜氣固已翔九天而滲九泉今所靡皇寧居思有上報竊慕神之志義景神之忠功薦神于此堂吉辰良日以微懇陳告至於脩廢繼絕興仁樹善乃守臣之職烏敢爲名再拜而退由是六州之人士知狄公之崇德可享而田公斯言可復也詩云維其有之是以似之乃作銘曰

奕奕新祠于魏之疆巖巖梁公惠此一方其惠伊何其人則亡在昔通天戎虜猖狂衝陷連城勢莫與亢山東繹騷駘藉犬羊顧是都會孰能保障天后召公飛傳靡遑至自

彭澤屹爲金湯以逸待勞以柔摧剛緩賦寬役勉農勸桑外示無虞內爲之防虜則引歸歲獲大穰人荷公來踴躍歡康人惜公遷泣涕彷徨援刀割膚守關上章終然不克詎可弭忘衆心欲成經始斯堂立公儀形薦此馨香于以祝之萬壽無疆于以歌之久久垂芳追惟我公寔邦之良岐嶷有聞金玉其相學以時習闇然日彰文武是經謨謀允臧測圭知正涵鼎難量碩大博厚靖和端莊逮使絕域義聲孔揚居夏致感有鳥呈祥疑于天理決獄平當亟觸龍鱗驟探虎狼西門沉巫汲直開倉蜀守興學晉臣撫牀公兼有之譽譽在旁宣威中權論道上庠慰薦幽仄懷來暴強天授以還燎火無光藹藹本枝困於斧斨下適人



願上迴天綱拜洛受圖非劉而王后實當宸唐遷于房時  
 惟正色中激剛腸焚焚一作焚伊修謀將易儲皇公陳不可校  
 短推長血漑太階心析彼蒼長戈倒日勁草橫霜一柱疑  
 然四維重張帝拜元老春歸少陽落安瓜牙密布棟梁七  
 日變疾五月興唐道優三仁力茂一匡始終無愧夷夏所  
 望維此魏邦寔維樂康燕寇之後中為戰場何人不鰥靡  
 室不喪祠宇煨燼階除墟荒故老懷思遺昨慨慷猶依封  
 畛時奠壺觴否道既傾聖曆會昌元和御臣天子垂裳九  
 夷八蠻山梯海航禮備樂陳執贄奉璋思我懷人寘彼周  
 行是生沂公忠順激昂劒久埋獄雖能處囊道言惜惜武  
 烈沈沈業尚管蕭化臻龔黃掃除氛侵弔恤災傷尾斷

萬苗鋤莠稂萬夫歸誠有死無將天子嘉之霽澤瀼瀼  
 節虎旗玉佩金鐺班其慶賜覃其潛翔沂公滋恭俯伏一作  
 扶扶兢惶媿負山岳誓酬毫芒乃建新祠媿彼甘棠航疑其  
 厦屋繚以周牆吉蠲羞容羽衛兩廂仰止何遠中心是藏  
 地而沙麓河抱衡漳刻勒豐碑揭乎中央



文苑英華卷第八百七十八

碑三十五

祠廟一

嵩山啓母廟碑一首

少室山少姨廟碑一首

后土神祠碑一首

溧陽瀨水貞義女廟碑一首

湘源二妃碑一首

嵩山啓母廟碑

崔融

臣聞天地生成其法自然之謂道陰陽鼓舞其功不測之謂神然則物或類感事因通變乾棟傾而三光北馳坤輿缺而百川東瀉河淪越雋有郡邑之為魚水陷歷陽有吏人之化鼈訪遺蹤於女峽風雨蕭條徵往事於始泉絃歌響亮盈虛靡定合散焉常不知誰子既老氏之多儻忽然



為人寧賈生之足辯仰觀俯察裁識幽明之故原始及終未窮死生之說得於道而失於道義有必然出於幾而入於幾理無或廢知變化者其知神之所為乎臣謹按啓母廟者蓋夏后啓之母也漢避景帝諱改啓之字曰開厥後相傳或為開母而顧野王輿地志盧元明嵩高記並不尋避諱之旨以為陽翟婦人事不經見諒無所取粵若玉斗璇璣李母之居隣北極金臺石室王母之宅在西山氣為母則群物以萌月為母則容光必照坤為母則上下交泰后為母則邦家有成故華胥履跡而雄氏孕女登感神而炎運作星流華渚而白帝生月貫幽房而黑精降明明有夏穆穆塗山子娶於度土之辰女婚於台桑之地搜音帝

紀識

一作

異歸藏束生發蒙而有迷韓子稱賢而不朽

臣之筆墨泉海陳其令名秦相之一字千金叙其嘉應士

歌南國徒聞

一作

侯禹之詞石破北方終見生余之兆則

郭璞所謂陽城西啓母石李彤所謂嵩山南啓母祠隋巢之說有徵鴻烈之言無爽者矣昔者鸞川之上母變空桑豚水之濱男生破竹美人之虹名蟠螭仙婦之月作蟾蜍精衛銜木而償冤女尸化草而成殞山崩蜀道臺候婦而無歸石立武昌亭望夫而不及論乎誕載群下莫尊於帝王語乎遷易凡百無聞於感致美矣哉不可得而稱也大唐革去故鼎取新與運而生繼天而作握乾坤而造物海內知春闢混沌而為家域中無外天皇膺曆數順謳歌金

文苑英華 卷之七

七

文苑



櫃玉板服皇王之能事衢室廟堂承祖宗之茂烈垂衣裳而作元后端拱北辰負黼袞而朝諸侯嚮明南面周邦赫赫其道洽於成康漢室巍巍其化鍾於文景東漸西被遠安邇肅海三年而無波雲連月而不散天瑞降地符昇靈鳳五文歲時來苑囿神龍八卦昏旦游池沼禮云乎哉無取於周旋揖讓樂之謂也必在於移風易俗司祿益富家國於是乎有餘司命益年臣人於是乎不夭明王三懼未嘗遺戒慎之心天子四鄰莫能展弼諧之用家安其業但聽於鄰雞人得其和遂同於野鹿表識記奏河圖四十六事之著明曷云尚也登太山禪梁甫七十二封之可識何以加乎且夫窮聖神備道德滋萌元氣開闢太初斯乃天

皇氏之所以應乎天也依土地明神靈駕六羽而上騰慶九州而下濟斯乃人皇氏之所以順乎人也造書契教畋漁合五緯而節四時登九天而類萬物斯乃犧皇氏之所以制人法也務播殖該變通嘗藥以救兆人聚貨而交天下斯乃農皇氏之所以興人利也振夔鼓載龍旗天則玄女授符帝則黃神降升一作斯乃軒轅氏之所以除人害也均度量正都邑物惣秋令於金天分瑞官於鳳紀斯乃帝昊氏之所以爲人極也潔祭祀義鬼神履時以象天養財以任地斯乃帝項氏之所以爲人教也秋乘馬春乘龍順三辰而天道平建五正而人事理斯乃帝辛氏之所以爲人政也明如日晦如陰人無識其名帝何力於我斯乃帝



堯氏之所以昭君德也聞一善舉八才帝唱動而爛星雲  
天歌發而踏鳥獸斯乃帝舜氏之所以章后功也夫三統  
者道之大五行者生之宗三皇法之而列五帝則之而序  
道以三興德以五立非天下之至聖孰能兼於此乎而猶  
雖休勿休損之又損下明詔發德音尊天而重人省方而  
巡狩舉星畢曳雲稍召風伯以清塵命山靈而護野馳洛  
邑驚壤城天迴而地游雲合而霧杏周穆王來遊太室先  
徵夏啓之居漢武帝有事高丘即訪姒開之石徒觀其丹  
青歲古霜露年侵聖情有捲興言改葺其山則古文之外  
方其地則新邑之中土銘壇邈迤斜分玉女之臺碑闕相  
望近對石人之廟金草生而五色貝樹長而三花紫雲合

杏於溪澗白霧氛氲於巖嶺考之易林信爲神明所依  
之遁甲固以威靈肅然天其命有司乘務隙因高背下察  
隱嶙之餘基審日觀星揆摧殘之落構周官置臬郢匠揮  
斤異態神行金模化造紅葩奪日飛累榭於山間綺綴衝  
風架廻廊於木末仙人在棟神女臨窓周施瑋瑁之椽編  
覆琉璃之瓦赤玉爲階甃黃金作門闕山如白岸樹似青  
溪羞蕙藻於前庭籍生芻於後徑蘭香夾水居然洗沐之  
資竹帚臨風自隔囂塵之境夢臺雲雨宋玉樹而先驚楚  
壁山川屈原書而幾倦壽宮蟾兮不擾象設安兮逾肅霜  
羅曳曳雲錦披披鴛鴦褥兮翡翠幃白羽扇兮青綵履垂  
玉鸞之珮若往而若還戴金雀之釵不長而不短其居處



也曖曖昧昧陰閉陽開其被服也煌煌熒熒霞駁雲蔚昂  
俎則麟胎鳳卵烝蕙燃萁餌膳則木密金膏玉漿瓊酒當  
是時也合五岳訊九魁選太陰命玄闕馮夷鳴鼓女媧清  
歌左蒼龍兮吹箎右白虎兮絙瑟金真拂座玉女焚香肅  
肅習習天媛來風雨霏霏霏神姬下霜雪孔雀飛而儀  
鳳舞弄玉邀歡駟車合而羅綺陳智瓊陪宴麻姑服道變  
海水而來遊織婦希風填河津而下謁洛妃綽約江妃綿  
眇玄女以明月為珠素女以積雲作髻九天真母八極夫  
人畢集於茲矣青霞衣兮翠雲裘靈連蜷兮既留車颯風  
兮馬飛電視倏忽兮無見昔者濟陰山下降堯母之精靈  
湘川水曲留舜妃之響像墳壇或在徒聞分福之名棟宇

不脩誰辯安歌之處豈知夫三仙福地百姓尊祠挾王者  
之都幾當聖人之順動犧牲玉帛可以洽氣和神幼婦外  
孫可以披文相質虔奉綸旨式陳壯觀雖周人作詩自得  
后妃之美而魏臣獻賦終慙神女之工敢作銘曰  
九州地險五岳天中蛟龍洞穴日月仙宮蓄洩雲霧震蕩  
雷風笙歌近接鍾鼓遙通其一其在媯帝洪泉未塞昏墊下  
人汎濫中國於鑠大禹顯允天德龍畫旁分螺書徧刻其二  
佩文北海省土南方還從碣石更下台桑予娶有禮我都  
攸昌小年不顧四載惟荒其二宛委既登輟轅佇鑿家室誤  
往能罷方作天道幽秘生涯糾錯其化則遷其靈是託四其  
處妃之館仙女之臺物類通感精蒐去來巫山廟立漢水



祠開壇壇歲古棟宇年摧其皇矣大唐麗哉神聖膺圖受

錄體元居正赫赫高祖天有成命明明太宗於茲為盛其

重光累洽下武嗣文負宸而化垂衣以君三靈昉蠻六氣

氤氲魚鼈咸若雞犬相聞其重譯請命殊鄰稟朔化及中

孚風移大朴天秩百禮人和萬樂汾水可遊峴山何邈其

隋巢舊說夏啓遺居盛德不泯嘉聲在諸周王轉蹕漢帝

廻輿聿懷降鑒其祀如初其虞衡掌木班倕葺宇虹亘梅

梁龍盤柱柱草積庭院水周堂廡石室置儔軒官為輔其

珠簾洞卷玉座含清金翠玃瓌羅縠輕明儀刑若動侍衛

疑生依倚有物悄恍無聲其帝子湘川天孫漢曲翩翾

縹眇躊躇躑躅神女弄珠靈妃啓玉倏來忽往星繁電屬

其十壯矣麗矣神之聽之聰明是屬景福無欺夫人立

幼婦鐫辭巍巍皇室萬萬餘基其十

少室山少姨廟碑

楊炯

臣聞崑崙集本文粹西北之地二本無天門也則五帝處

其陽陸三王居其正地太集作山東南之地二本無日觀

也則秦皇刻其石銘漢帝探其玉策故知建都邑正方位

劃文粹作崇墉剡瀆洫必憑天地之險然後四海為家擁

神休尊明號叶時月同量衡必致山川之祠然後群神受

職少室山者山岳之神秀者二本無也憑河圖而括象文

作也集作開山發揮宇宙之精噴薄陰陽之氣

壁立而千仞削成而四方北臨恒碣猶如聚米南望荆衡



財文粹作同覆篲共工氏觸皇天之八柱未足擬議龍伯

人鈞溟海之五文粹作山無階響像考於含神霧文粹作

白玉猶存驗於山海經黃花不落其名有序則太室西偏

其位可知則嵩嵩佐命若乃乾坤之所合雷雨之所交仰

躔七星之野俯鎮三河之曲朝市臨於域中樞機正於天

下六合交會於是二本有有天帝之下都九州名山於是

二本有有靈仙之窟宅臣謹按少姨廟者則漢書地理志

嵩文粹作崇高少室之廟也其神為婦人像者則故老相傳

云啓母塗山之妹也昔者生于石紐水土所有二本致其

功娶于塗山室家所以成其德后宗之位象南宮之一星

外戚之班比西京之列傳惟幾不測其道無方騁神變而

揮霍降精靈而矚靈亦庶爾蔣侯三妹青溪之軌跡可尋

帝三妃湘水之波瀾未歇何止祠稱丁婦廟號勝二本作

姑少女宅於西宮夫人館於南岳山臨白崖空聞石室之

靈浦對青崖獨有金臺之異若斯而已矣年文粹更魏晉

數歷周隋四望於是莫條八神以之無主炎涼代序寧觀

俎豆之容霜露沾衣非復絃歌之地國家乘天造之草昧

屬人謀之與能奄有大寶遂登神器天地水火之無象則

女媧氏補之於是乎鍊其五石東西南北之失位則神農

氏立之於是乎甄其四海天皇貴與天乎合德富與地乎

倖貨窮變化之道二本盡神明之數伏羲畫卦唯觀鳥

獸之文黃帝垂衣蓋取乾坤之象利兼於成器功周於備



物瑤臺美化闡邦國之風猷銀榜嘉聲備集作美文 君親

之典禮稱才子者八族則叔獻季貍有亂臣者十人則太

顛閔天若夫圓丘方澤所以饗天神地祇複廟重欄所以

序文昭武穆命秩宗之位分太宰之官考虞夏之質文定

殷周之損益其大禮有如此者高陽有飛龍之樂始會八

風帝舜有儀鳳之音初調九奏后夔典其攷制氏辨其聲

鍾磬笙竽二本作 竽瑟致其和尊卑長幼成其序其廣樂有如

此者太微營室明堂布政之宮白獸蒼龍象魏懸書之法

下應猶草王言如絲北辰而拱衆星南面而朝天下其爲

政有如此者糾萬人者施之以八刑誥四方者戒之以三

典畫衣不犯載酒無寬免禽獸於網羅備 二本作 寰瀛於軌

物其恤刑有如此者周人之養國老始闢西膠漢氏之

諸生初開太學辟雍所以行其禮泮宮所以辨其教二本作 政

童子三一本 一作五尺羞談文粹 稱霸后之臣冠者六人唯述明王

之道其文德有如此者涼風至司馬於是乎陳兵太白高

將軍於是乎宜戰乘斗杓而誓旅出星門而杖鉞莊周稱

天子之劔舉之按之呂望言聖人之兵如風如雨其武功

有如此者稽其殷室二本作 有文犀利劔之効珍考其周書

有茲文粹 作諸白乘黃之騁力東漸西被南馳北走盧敖之窮

觀六合不出於城堙陶侃之飛入八門未游於仙二本作 室

其疆理有如此者察璿璣而平大運天回地游吹王律而

部人時陽動陰靜煙雲蕭索而合彩日月淑清而啓旦豈



直鳳巢阿閣入軒后之圖書魚躍中舟稱武王之事業其  
休徵有如此者然則囊括混沌發揮生靈大庭不足使騫  
乘驪連不足使扶輅可以會玉帛可以答靈祇行聖人之  
大孝既郊祀而宗祀昭帝王之盛節亦因天而事天猶復  
下聽輿人旁求故實以為唐堯五載無聞太室之儀殷帝  
八遷未卜王城之地是周陳圭置臬建周后之兩都制二  
作詔蹕鳴鑾巡漢王之中岳煇惑先列招搖在上隱天二  
有而字動地欲文粹作野二本有歎山旌旗則日月運行鍾鼓  
則雷風相薄道伊闕據輶轅怡然肆二本望邈乎周覽壯  
靈山之雲雨仍求載祀之經對閑寢之丘墟思秩無文之  
禮於是降天渙命司存因其舊跡葺其新廟詳費務議工

徒下隴蜀之名材致荆藍之寶玉易者言乎悅使人一作

唐諱忘其勞詩者歌乎子來成之不日東西膠葛文粹作南

北崢嶸繡栒兮雲楣光照耀兮奪日二本桂棟兮蘭檠氣

氛氲兮襲人皎日登於綺一作疏奔星下於閨闈珠簾璫

匝上高閣而三休金柱銀檻二本巡步廊文粹作出長廊

而中宿窮山海之壤寶畫人神之壯麗豈直文粹河庭貝

闕俯鏡文粹馮夷之都洛水瑤壇旁臨虞妃之館爾其巖

嶂重復岡巒左右青霞起而照天白露二本生而匝地餘

基隱嶙仍知萬歲之亭古木摧殘尚變二本三花之樹明

公舊祀棟宇岩堯仙女層臺風煙爛熳文粹軒轅之訪大

隗二本先求牧馬之童太一之微少君直下乘龍之使



夫峻極也天帝因而會昌夫降神也景福由其興作於是乎昭之以明德聽之以和聲可以羞澗溪沼沚之毛可以奠潢汙行潦之水聰明正直惟鬼神而有知玉帛犧牲在文粹陳信而無愧日之吉靈之來蜺為旌兮翠為蓋雷為車兮電為策鼓之以南箕風嫋嫋而先路潤之以西畢雨冥冥而灑道其始至也若海靜山空曠曠隴隴照白日於扶桑之東其少進也若移星轉漢燦燦爛爛吐明月於瀛洲之半佩珠玉而的文粹璪襲羅紈二本而飄飄建晨纓之寶冠踐遠游之文履命禱兮嘯侶徙倚兮徘徊群仙畢集衆靈咸至有西華之紫妃有中黃之素女華山之上飛二本星遠燭陽臺之下暮雨潛通或文粹室而以文粹作明飛霞

或銀臺而薦樂天孫忽降暫停支石之機神女相歡耶投壺之電左侍右衛則甲申之瓊石乙巳之蘭蕭妍倡妙妓則憑悅之清歌幽靈之鼓瑟樂章既闕禮容斯備回風兮雲旗入不言兮出不辭荷衣兮蕙帶倏而來兮忽而逝惟神享德降百福而無窮惟岳配天視三公而有典昔者夏后氏之乘四載仍開宛委之圖周穆王之御八龍猶紀二本弁作春山之石况乎上照下涵天平地成人主宅中旁羅於宇縣山靈顯位密邇於神州豈使令德不傳頌聲寂無此無紀述二本無田是三天降策有南霍之升文粹儲字八丈鐫銘有西王之服道魏國鍾繇之字唯勒歲年晉家張載之文遂承明制二本共詞曰



上帝有命皇天無親樹之元后以牧烝民唐諱二本光宅

六合懷柔百神德成郊祀禮備宗禋其軒稱配永崑墟帝

出堯號則天汾陽詔蹕觀人設教叶時同律有感必通無

文咸秩其皇家啓聖受命于天上鍊五石旁疏百二本川

開階運斗宅海乘乾王母益地周公卜年其天子建德重

規豐矩聖敬日躋宗文祖武範圍三極和平萬宇率由舊

章粵若稽文粹古其璇宮夜敞銀榜朝開德象陰月聲象

二本震雷山河翼載文粹星緯鹽梅能事畢矣乾元大哉

其理二本定制禮功成作樂日月旗二本常夏殷正朔德

溥二本天外文明地角氣白星黃風搖露濁其兩京畿甸

五載巡遊馳驅太一部列蚩尤將見大隗爰尋許由廻轡

躑躅寓目周流其鬱鬱靈鎮巖巖積石直上五千去天

百帝休非遠真經可覲石室徘徊瓊膏滴瀝其山唯二本

地德神即陰靈瑤姬逐雨玉女隨星陰陽不測黍稷非馨

倏忽年代荒蕪廟庭其旁求祀典載垂天漢二本始制二

作林衡俄成壯觀紫柱文粹星錯丹梁霞煥似對青溪如

遊集作白崖其文狸赤豹電策雷車隱隱中道訇訇太虛

遂停龍駕永託神居天廻地止霧歇雲除其十衆靈睽賜

文粹群仙容與衡岳夫人漢濱游女洛川解珮天河弄杼

顧慕招携繽紛儔侶同聲同氣文粹作同爰笑爰語其十

于以採蘋南澗之濱于以採藻于彼行潦吉日文粹作于

辰良浴蘭湯兮沐芳揚抱兮拊鼓奠桂酒兮椒漿神其醉



文粹其十 作萃 止降福穰穰三

后土神祠碑并序

玄宗御製張說詞

古之王者皆受天命禮樂有權神祇是主郊兆所設雖定  
 於厥居精靈所感則通乎其變一作變化大抵一作匠歸正旁行  
 不流唯創制者為能之亦安在守文而已惟土祠者本魏  
 地郊直之舊而漢家后土之宮汾水合河梁山對麓地形  
 惟堀一作堆阜天然詭異隆崛吻以一作而特起忽盤紆而斗絕  
 景象相傳彤蜺如在有物不可以終否有典不可以遂廢  
 故推而行之神而明之歲在癸亥始有于茲焉在昔后王  
 時邁省方柴燎告至幽隱胥洎大舜則三一作五載一巡武  
 帝則三歲一祭古今大變四字一作今人神禮煩朕就

損益折以法度一紀再駕亦無間一作開焉二千年冬勒

三十萬一作逾旌旗徑一作千里校獵上黨至于太原赫

威戎于朔陲沛一作霈展義於南夏肆觀群后道有以大備

懷柔百神文無而咸秩先是有司宿設恪敬乃事已未師

次一作頓于齋宮庚申親祀于后祗聖考在天侑而作主何

禮不舉靡神不偏徃者漢氏之祠也牲以養牛五歲璽粟

所以貴其誠藉以采席六重藁藉一作藉所以尚其質事與

古及一作反義不經見朕因其地而不因其儀取其得而不

取其失凡牲幣法物之事歌舞接神之類浴故實於方澤

不遂過於元鼎此皆公卿大夫鳴生鉅儒獻其方聞匡於

不逮朕何有也且王者事天明事地察示有一作其本教以



孝柰何郊丘之禮猶獨以祈穀為名者耶於戲享于至誠  
錫以繁祉黃雲盖于一作神鼎降光燭于一作靈壇自昔

已然乃今復見斯固陰精有所寓寶氣為不誣雖寂寥而

不動亦動之而斯應顧朕之不德靈感何從賴累聖儲祉

福流所致乃青災肆赦與物更始大賚天下有慶兆人山

川鬼神鳥獸魚鼈莫不允若莫不成寧此所以承一作覆

載報生殖資元元盡翼翼豈與夫封禪有牒專在求僊秘

祝有辭密干一作移過而已其銘曰

至哉坤元萬物資生王者母事德合天明義有大報用叶

求貞茫茫九土思索其精因天事天因地事地彼汾之曲

高雉傑異景象遺光壇場舊位寂寥一作千祀精靈水一作

闕誣神不祥復古惟祺文所無者秩而祭之矧曰后

昔載明祠何必國一作陰乃為我師意多漢武跡在橫汾

風流可接簫鼓如聞壽宮創制神鼎勒勳古往今來豈無

斯文

溧陽瀨水貞義女廟碑

李白

皇唐葉有六聖再造八極鏡清集本文粹萬方幽明咸熙

天秩有禮自太二本無古及今君君臣臣烈士貞女采其

文粹有史傳二字名節尤章可激清頽俗者皆掃地而祠之蘭蒸

椒漿歲祀罔缺而茲邑貞義女光靈翳然埋冥文粹古遠

琬琰不刻豈前脩博達者為邦之意乎貞義女者溧陽黃

山里史氏之女也以家溧陽史闡書之歲三十弗移天于



人五字文粹作清英潔白事母純孝手柔荑而不龜身漂

擊文粹作以自業當楚平王時王霄忠助諛苛虐政芟於

尚斬于二本奢血流于朝赤族伍氏怨毒於人何其深哉

子胥始來二本奔勾吳月涉星道或七日不火傷弓于飛

逼迫于二本昭關匍匐於瀨渚捨車而徒告窮此女目色

以臆授之壺漿金二本人自沉形與口滅卓絕千古聲凌

浮雲激節必報之讐雪誠無疑之地難乎哉借如曹娥潛

波理貫於孝道聶姊殞肆槩動于天倫魯姑棄子以却三

軍之衆漂母進飯沒受千金之恩方之於此彼或易耳二本

爾作卒使伍君開張闔閭傾蕩鄢郢吳師鞭屍於楚國申胥

泣血於秦庭我亡爾存亦各壯志張英風於古今雪大憤

于天地微此女之力雖云為之士亦焉能咆哮烜二本

施于後世耶望其溺所愴然低回而不能去每風號吳天

月苦荆水響像如在精魂可悲備昔集作投金有泉而刻

石無主哀哉邑宰熒陽鄭公名晏家康成之學世子產之

才琴清心閑百里大化有若主簿扶風竇嘉賓縣尉廣平

宋陟南郡陳然丹陽李濟二本清河張昭皆有卿材霸

略同事相協緬紀英淑勒銘道周雖陵頽海竭文或不死

其詞曰

粲粲貞女孤生寒門上無所天下報母恩春風三十花落

無言乃如之人擊漂清源碧流素手縈波二本潺湲求思



聲動列國義形壯士入郢鞭尸還吳雪耻投金瀨止報德  
稱美明明千秋如月在水

湘源二妃碑

柳宗元

元和九年八月二十日湘源二妃廟災司功掾守令彭城

劉智集作知剛主簿安邑衛之武告于州刺史御史中丞清

河崔公能祗栗厥戒會群吏洎眾工發開元詔書俱廢守

祀搜考羸羨均節委積成執贖律至于祠下稽度既備備

役惟時斬木于上游陶埴于水涯廼桴廼載工逸事遂作

貌顯嚴粲然而威十有一月庚辰陳奠薦詞立石于廟門

之宇下唯父子夫婦人道之大大哉一神成極其會為子

而父堯為婦而夫舜齊聖並明弼成授受內若嚚瞽上承

輝光克艱以乂德罔不至帝既野死神亦不返食于茲川

古有常典歐後矣孽恢宜淑靈敢或失職以奸天刑有翼

其恭有茲其馨沈牲爰告即石是銘銘曰

淵懿承聖舜妻堯女德刑媯汭神位湘許揆茲有初克碩

厥宇命秩其祀集作唐命秩祀茲邑攸主毛牲既肆柳州本椒馨

爰潛胤千萬年期保伊祐集作替火燭孽炏于融風神用

播遷時罔克龔邑令群吏告于郡公廉用積餘以就爾功

桴木負埴載流于江既夷以成崇宇峻墉潔嚴清閑左右

率從神樂來歸徒御雍雍神既安止邦人載喜奉其吉主

集作王以對嘉祉南風潏潏湘水如舞將子無謹神聽鍾鼓

豐其交報邦邑是與刻此樂歌以極終古



文苑英華卷第八百七十八

文苑英華卷第八百七十九

祠廟二

燕支山神寧濟公祠堂碑一首

南海神廟碑一首

河濱神靈源公祠廟碑一首

燕支山神寧濟公祠堂碑

楊炎

西北之巨鎮曰燕支木匈奴王庭昔漢武納渾邪開右地

置武威張掖而山界一作二郡間連峰委會雲蔚黛起積

高之勢四面千里陽崖有枯栢之材備幹革陰壑有堅剛

之璞化五兵維人氣雄其畜多焉虜得之以制陰國主天

街周以之興秦以之霸漢得之以斷右臂却南牧西距于



海北瀕經一作于河自外而望上也熊熊一作乎一氣旁蔭

朔鹵前衡塞門與積石來朝崑崙相長一作泊陟蒼蒼臨

峻極則形變六合空同大荒青冥在混元之中絕壁揭宇

宙之外舊史云封祀之山八中國之外三自夏缺壤一作

莫漢疆土宇一作漢時更百王四字一作于莫能配天其

意者將續禹之業以俟聖人乎維唐百一作三十載貫玄

化之紀息金革之虞一作金茫一作蠢蒸然革一作于聖

澤於是左丹穴右崆峒古而一作未賓咸頓首于路門之

外天子登神宮勒金版將復美于郡一作義岳告成于昊

蒼議夫一作此山天合氣以正秋方地與神以主西國三

而上俾蚪螭者為師為旅貔虎者為妾為臣不在於巨

平其封神為寧濟公錫之鞶帶備厥禮物詔邦牧太

保哥舒公卜吉日築臺無靈祠于高麓之陽每歲盛秋

以笙鏞之器錡釜之品率封內以望之索群神以會之亞

旅師氏旄頭弩牙金鼓七校車徒十萬從饗于廟庭大閱

于山外無所以固一作天界以崇聖功乘地險而恢遠

略也觀夫叢崑懸抱烟雨霄罕宮庭晃其閑一作暮林石

古而幽陰神其居之可以禱安靜矣樹一作空桑變鍾石

神其聽之可以感和樂矣大玉通帛熊蟠桂槩粲其傾筐

采章一作煌煌神其歆之可以祚永一作年矣維石巖巖

日月不老維靈是與生此熊羆神其薦之可以奉吾君矣

於戲陳信克享正詞幽感宜乎有祈而降有祭而歆龍也



無風雨之憇也一作敵也無氣焰之作此神之職又何羞焉  
乃作頌曰

揭靈山兮天地界勢奔壯一作突兮風雲駭峰龍有一作峰

兮入天門氣蛇變一作變蛇兮破滢一作烟嵐昏祐自天兮得終古

被一作備華蟲兮駕朱虎一作皆唐文粹

南海神廟碑

韓愈

海於天地間為物最鉅自三代聖王莫不禮集本文粹作祀事考

於傳記而南海神次最貴在北東西二本有三字河伯之上

號為祝融天寶中天子以為古爵莫貴於公侯於海岳之

禮二本作祝犧幣之數放而依之所以致崇極於大秩一本作神今

王亦爵也而禮海岳尚循公侯之事虛王儀而不用非致

崇極之意也山是川尊南海神為廣利王祀祀一本作祝祭

與次俱升因其故廟易而新之在今廣州治之東南南海道

八十里扶胥之口黃木之灣常以立夏氣至命廣州刺史

行事祠下事訖驛聞而刺史常節度五嶺諸軍仍觀察其

郡邑於南方事無所不統地大以集註遠故常選用重人

既貴而富且不習海事又當祀文粹時海常多大風將往

皆憂戚既進觀顧怖悸故常以疾為辭文粹而委事於其

副其來久矣二本作已故明宮齋廬上雨旁風無所蓋障牲

酒瘠酸集註取具臨時水陸之品狼籍籩豆薦裸興俯

不中儀式吏滋不恭神不顧享育風恠雨發作無節人蒙

其害元和十三年始詔用前尚書右丞國子祭酒魯國孔



公為廣州刺史兼御史大夫以殿南服公正直方嚴中心

秉直二本作樂易祇慎所職治人以明事神以誠內外單盡不

為表禠至州之明年將夏祝冊自京師至吏以時告公乃

齋祓視冊誓群有司曰冊有皇帝名乃上所自署且文粹無且

字集其文曰嗣天子某謹遣某官某敬祭其恭且嚴如是

敢有不承明日吾將宿廟下以供晨事明日吏以風雨白

不聽於是州府文武吏事凡百數交詞二本更諫皆揖而

退公遂升舟風雨少弛權夫奏功雲陰解駁日光穿漏波

伏不興省牲之夕載陽載陰將事之夜天地開除月星明

概五鼓既作牽牛正中公乃盛服執笏以入即事文武賓

屬俯首聽位各執其職牲肥酒香罇竿二本作爵靜潔降登

數神文粹作其醉飽海之百靈秘怪恍惚畢出蛇蛇

蛇二本作來享文粹飲食闔廟旋艦祥飈送颿旗燾旄

飛揚晡藹鏡鼓嘲轟高管噉噪武夫奮棹工師唱和穹龜

長魚踴躍後先乾端坤倪軒豁呈露祝之之歲風災息滅

人厭魚蟹五穀豐二本作熟明年祀歸又廣廟宮而大之治

其庭壇坎二本作東西兩序齋庖之房百用俱二本作脩明

年其時公又因二本作往不懈益虔歲仍大和耄艾歌詠始

公之至盡除他名之稅罷文粹無衣食於官之可去者四

方之使不以資交以身為帥燕享有時賞與有節公藏私

蓄上下與足於是免文粹有屬州負逋之緡錢十有八萬

集詳作米三萬八千二本作斛賦重二本作之州耗金



一歲八百困不能償皆以巧之文粹作加西南二本作守正之

長之俸誅其尤無良不聽令者由是皆自重慎法人士之

落南不能歸者與流徙之胃百二十八族用其良才而廩

其無告者其女子可嫁者與之錢財令無失時刑德並流

方地數千里不識盜賊山行海宿不擇處所事神治人其

可謂備至耳矣咸願刻廟石以著厥美而繫以詩乃作詩

曰

南海陰集作墟祝融之宅即祀于旁帝命南伯吏惰不躬

正自今公明用享錫右文粹我家邦惟明天子惟慎厥使

我公在官神人致喜海嶺之陬既足既濡胡不均弘俾執

事樞公行勿遲公無遽歸匪我私公神人具依

河瀆神靈源公祠廟碑

王延昌

中國經瀆河為長上應析木下朝扶桑演崑崙踰積石繚

大漠經龍門灌注九州之間經營萬里之外鱗介所宅神

靈所一作都玄冥總之以命官憑之以為伯唐堯觀諸疑

龍圖肇見周公沉璧榮光發祥元符之來彪炳彰灼古先

哲后罔不欽崇奠封居之儀修壇墠之制存乎祀典代以

為常則班固序漢書所謂河祠臨晉是也偉其南直太華

左隣中條渭水過其傍汾隍揭其後風雲相盪精氣交馳

一作于以禮神事之宜也不然發源自遠地則多漫一作

多胡為不昭晰於他邦獨受享於茲土前賢經始抑有其

由至於春以泮凍秋以涸流漢書初以歲禱終以報祈嘗



醪有加駟駒是薦蓋以在雍州之域通天子之都地既稱  
雄禮云異數與夫淮流桐栢江出嶧山僻在遐方莫我京  
也幽贊之力實賴河公以潔爲清瀾至於數四息昏墊之  
苦絕羨溢之憂濱河之人闕無大害此靈長之德上善之  
功也祈以正直享以精誠未嘗不誘其衷而降之吉也或  
進以便佞言以矯誣未嘗不奪其魄而貽之禍也歲大旱  
而作霖雨時大札以惠嘉生依仁而行唯德是輔天寶歲  
安祿山稱兵朔裔肆逆東夏焰熒扇燥烝人焚馬宗社有  
綴旒之危士庶畜帖危一作原之懼太上南幸肅宗北巡賊  
相張儒據有長安賊將崔乾祐固守蒲坂今關內河東副  
元帥中書令汾陽郡王郭公時爲兵部尚書門下平章事

朔方節度使制兵誓衆超百二之險謂此邦底定則京

可置虔禱于河潛軍以往金鼓掩夜渠魁出奔遂收蒲城

神所道

一作導

也及師次渭汭陰霧晦宴公假寢之際夢河

神謂曰永豐倉側將有急變不如速退姑以避之比全軍

及郊虜已雲合克違寇難神所扶也其後李國貞之遇禍

公復總戎故絳僕固懷恩之逆命公又出鎮河東大君日

旰食中外騷擾公獨奮無前之勇馳不測之深始按節而

來終奠醑其邁所謀必克無往不平再安叛渙神所相也

爰自兵亂以迄于今時更十年代歷二聖國之氛霾惟河

公蕩滌國之土宇惟河公廓開國之忠良惟河公保祐國

之奸慝惟河公殄摧誠靡幽而不應澤罔微而不該得一



以靈不其宜哉汾湯王深惟據我屢崇昭報奉牲玉莫敢  
 愛也致精意未嘗怠也每蠲吉歷選自郊徂宮莫于堂戶  
 之間則神之昆弟具在酌于屋漏之內則神之伉儷攸居  
 文墨國語文墨尋常之間注云五尺為墨相望男女無別公曰神人之主也  
 禮政之源也人有上下則禮有內外之制人所謂否神具  
 可考盍築館于後以安靈匹乃諮于副元帥副使太子賓  
 客御史大夫知河中府事崔公寓量功命日而後役於河  
 西縣大夫李開不徵貨財不殫日力曾不踰月克復于成  
 大厦耽耽鬱其特起內寢既立神儀穆然於是齒危髮禿  
 之老王端等進而稱曰大河浩蕩弊邑之望也自公杖鉞  
 三至我里靈應膺蟹未嘗或欺國之克復實始於此安天

涉於號晚定人心於繹騷大君成湯武之功賢相保桓  
 之業皆神之由也矧內寢棘翼今茲有成此而無述何以  
 示後願刻樂石以彰厥庸公教曰諸公之辭固不可抑頌  
 祇則可無推美於予墨客聞敢繫辭曰

浩浩長河中國之紀洪流激射橫制地理蒸雲吐霧薦圖

効祉是曰經瀆斯為德水聖唐六葉巨猾挺災擗音搥舉手擬之

也揚雄長揚賦靡城漸邑或作漸非邑靡城如霆如雷汾陽矯矯杖鉞而來

乃臨蒲坂神實先道一作導乃亂渭水亦亦疑晉告嗟我上

相神之所勞汾陽之德温恭正直柔嘉維則忠勤是力秉

心泉淵字唐諱塞不測不克東西南北勦絕奸慝入登九命一

人是毗出統三軍四方是維維言祐之河公降禧眾神在



列曾未區別公爲之節內寢攸設寢廟亭亭中外有經濯  
濯厥靈妃偶攸寧於戲祠宇焜燿中土在河之滸在城之  
下刊茲片石昭灼千古

文苑英華卷第八百七十九

文苑英華卷第八百八十

家廟一

此下三卷英華所編失作者先後今正之

崔太師家廟碑一首

郭子儀

元題作英人非

家廟碑一首

烏氏家廟碑一首

故中書令

一作丞相

贈太子太師崔公廟碑

韓雲卿

戊申年

一作歲

六月尚書右

一作左

僕射趙國公圓薨天子罷

朝三日喪禮贈賻加異常數詔贈太子太師謚曰恭

唐書謚昭

襄嗣子褒遵荷先訓敦率舊禮五月而葬二十五月而祥

既祥

一無此二字

始立廟于

一無于字

洛邑曰考廟皇考廟階二尺

有七寸

一作七丈

從四尋衡八尋三尺

一作戶

五

一作立

楹外垂



四阿巧填采掾一作絲繪不施一作施以丹雘齋宮爨室庭垣稱之

因述一作連族氏勲躅諸路一作清顯明銘其德大師崔姓一作氏

清一無此字河東武城人也系于齊著于漢荷先少師之教純

孝温重稟受元和綿武經文為國梁柱賊臣祿山憑犯河

華玄宗順動南巡一作遊蜀漢公為居守有扶翊再造之勲

函洛阻絕人羅蠱毒肅宗振旅朔郵戡一作戡靜禍亂公為

宰衡有翼贊匡一作戡復之謀山越之難河洄之竟一作淮

公領揚州宣風淮楚有剪攘威鎮之績於惟茂勲莫與為

疋一作業疇為公比禮曰以勞定國則祀之能禦大災則祀之

能捍大患則祀之是宜廟食以銘于鼎以九月初朔之日

寢廟既成庭除既平備器撰服潔儉中禮一作器儉而中禮先

享七日致齋具物水草陸產醴酪牲牲之備外盡物也

温行恐一作批身誦一作肩意愉如懼不及內盡志也禮卒奠

撤齋莊之色如存焉歎息之音如聞焉君子曰吾觀崔氏

之享有以知禘嘗之義焉古者諸侯立五廟廟有鼎與樂

有國之制侯伯有爵而無土廟有鼎祭有樂不克立五廟

而立三廟不銘于鼎而銘于碑其銘曰

顯顯太師天孕鴻才恢張碩勲光照台階一作輝惟昔奸

克蝕恩一作飲息犯順乘一作當時無虞區域一作宇駭震玄宗南

巡功著巴岷肅宗戡復勲揚冊牘彌廓一作銷殄氛祲宣明日

月於惟大帥誰將比烈爰自鼎司出鎮淮夷外有亂虜內

有疑師欽和畏威遠邇來思於維大師為國藩維功以戢



災勞以定國詳考祀典禮存廟食爰立寢廟不忘儉易卑  
不狹陋廣不踰制牝牝疑作髦髦漢鮑宣傳竭髦孝子愉  
愉其志齋莊愨誠庶物臻備俎豆斯設神將來暨歲時迭  
移霜露荐至德流慶延昌庇後嗣從爰自至此文粹無

一作皆唐文粹

郭子儀家廟碑

顏真卿

昔申伯翰周降福於維岳仲父匡晉演慶於筮淮而猶見  
美詩人騰芳史冊豈比夫神明積高之壤百二懸隔之都  
三峰發地而削成九流浮天而噴激炳靈毓粹卉葉生賢  
括宇宙而稟和摠河山而蘊秀莫與京者其唯郭宗乎其  
先蓋出周之號叔號或為郭因而氏焉代為太原著姓漢

有光祿大夫廣意生孟儒為馮翊太守子孫始自太原  
焉後轉徙於華山之下故一族今為華州鄭縣人夫其築  
臺見師疼子致養家承金穴之貴政有露冕之高或哲或  
謀或肅或乂皆海有珠而鳥有鳳也閑閑之盛其流益光  
隋有金州司倉諱履球府君懋其德輝不憎下位克已復  
禮州邦化焉篤生唐涼州司法諱昶府君能世其業以伸  
其道遠近宗之不隕厥問生美源縣主簿贈兵部尚書通  
府君清識徹照博綜群言始登王畿爵有休稱道悠運促  
靡及貴仕垂于後昆沒而見尊是生我諱敬之府君幼而  
好仁長有全德身長八尺二寸行中絜矩聲如洪鍾河目  
電照虬鬚頰蝟蝶進退閑雅望之若神以仲由之政事兼翁



歸之文武始自涪州錄事參軍轉瓜州司倉雍北府右果  
毅加游擊將軍申王府典軍金吾府折衝兼左衛長上原  
州別駕遷扶州刺史未上除左衛威左郎將兼監牧南使  
渭占二州刺史侍中牛仙客躡君清節奏授綏州遷壽州  
累加中大夫策勳上柱國以天寶三載春正月十日遘疾  
終於京師常樂坊之私第春秋七十有八乾元三年春二  
月以公之寶胤間府儀同三司司徒兼中書令上集無柱  
上字  
國汾陽郡王曰子儀有大勳于王室乃下詔曰故中大夫  
壽州刺史郭敬之累君子之行毓達人之德才光文武政  
美中和生此大賢為我良弼頃以孽胡作亂黔首罹殃朕  
於是鬱興神武之師克掃挽搶之氣而子儀帥彼勁卒

然先驅取京洛如拾遺剪凶殘猶振穉功存社稷澤潤

人是用寵洽哀榮義中存歿累追贈太保於戲府君體會

弘之素履秉冲邈之高烈言必主於忠信行不違於直方

清白為史者之師死生敦交友之分端一之操不以夷險

槩其作其懷堅明之姿不以雪霜易其令用情不間於踈

遠泛愛莫遺於賤貧拳拳服膺終始靡二故所至則化所

去見思人到于今稱之斯不朽矣傳曰盛德必百代祀其

有後也宜哉恭惟令公先皇之佐命臣也少而美秀長而

壤儒姿性質直天然孝弟寬然無比騎射絕倫所蒞以清

白見稱居常以經濟自命弱冠以邦鄉之賦驟膺將帥之

舉四擢高第有聲前朝三為將軍再守大郡累典兵要必



聞休績天寶末安祿山反於范陽令公以節度使擁朔方

衆圍高秀嚴唐書作嚴於雲中破史思明於嘉山先皇集無帝皇字

之幸朔方赴行在於靈武擊同羅於河曲走崔乾祐于蒲

坂今上之為元帥也首副旄鉞會迴紇於扶風摧兗寇於

汶水追餘孽於陝服長驅河洛弼成睿圖再造生靈克清

天步又函夏之未又安天下之未安一年之間區宇大定

丕休哉徒觀其元和降精間氣生德感星辰而作輔應期

運以濟時忠於國而孝於家威可畏而儀可象盛德繫物

寬身厚下用人由已從善如流沉謀秘於鬼神精義貫於

天地推赤誠而許國冒白刃以率先霆擊於雷雨之初鷹

揚乎廟堂之上九二歷鼎司兩升都座四作元帥九年中

書歷事二聖厥德維懋易相二十而受遇益深蓋勉

都者再戡定東京者一其餘麾城擗邑得雋摧鋒亦非遽

數之所周也信可謂王國之虓虎生人之廕祿者歟非太

保之邁種不孤則何以鍾羨若是况乎友于著睦贊龍虎

者十人貽厥有光紆青紫者八九勲庸舉集今古莫儔昔

奮號尊榮紅粟纒霜於萬石憚家全盛朱輪不出於十人

繇我觀之事不作焉於是乎清廟之典所以仁祖考鳴伐

之刻亦以垂子孫爰勅制於舊居將永圖而觀德中堂有

恤丕構克崇感霜露而休惕以增叙昭穆而敬恭斯在庶

乎觀盥顙若既無斃於永懷入室儼然必有覲乎其位哀

榮既極情禮用申仁人之所及遠哉孝子之事親終矣豈



唯温温孔父遠稱諛昂之銘穆穆魯侯獨美龍旂之祀其  
詞曰郭之皇祖肇之號土逮乎後昆實守左輔徙華陰兮  
源長流光施于司倉涼州兵部克熾而昌載德深兮篤生  
太保允懋厥道神之聽之永錫難老式如金兮於穆令公  
汾陽啓封文經武緯訓徒徠空簡帝心兮含一不二格于  
天地愷悌君子邦之攸墜昭德音兮芝馥蘭芳羽儀公堂  
子子孫孫爲龍爲光鏘璆琳兮乃立新廟肅雍允邵神保  
是聽孝思孔昭亶居歆兮乃立高碑盛德美歆章移之鼓  
二切多也  
或作日月有既徽猷永垂映來今兮  
致非

河陽軍節度使烏公先廟碑

韓愈

元和五年天子曰文粹盧從史始立議用師于恒乃陰與

寇連夸謾兇驕出不遜之集本无之字言其執以來其四

中貴人承瓘即誘而縛之其下皆甲以出操兵趨譚牙門

都將烏公重胤當軍門叱曰天子有命從者文粹無者字有賞

敢違者誅二本斬於是士皆歛兵還營卒致從使京師壬辰

詔用烏公爲銀青光祿大夫河陽軍節度使兼御史大夫

封張掖郡開國公居三年河陽稱治詔贈其父工部尚書

其以享廟四字二本作且即以其年營廟于京師崇化里

軍佐竊議曰先公既位常伯而先夫人無加命號名差卑

於配不宜語聞詔贈先夫人劉氏沛國太夫人八年八月

廟成三室同宇祀自左領府君而下作主于第乙巳升于

廟烏氏著于集作春秋譜於世本列於姓苑在莒者存在



齊者文粹無有餘有文粹無支鳴皆為大夫秦有獲為大

官其後世之江南者家鄱陽縣處於二本無北者家張掖

或入夷狄為君長唐初察為左武衛大將軍實張掖人其

子曰令望為左領軍衛大將軍孫曰蒙為中郎將軍是生

贈尚書諱承洽字某新唐書作承烏氏自莒齊秦大夫已

二本來皆以才力顯及武德以來始以武功為名將軍二本

家開元中尚書管平盧先鋒軍屬二本破奚契丹從戰捺

祿走可汗渤海上文粹作走可突于渤海上韓文舉正云

乃武藝也李邕本作渤海至馬都山吏民逃死二本失業

尚書領所部兵塞其道塹原累石綿四百里深高皆三丈

寇不得進民還其居歲罷運錢三十萬餘貫二本無黑水

空書以騎五千來屬麾下邊威益振二本無張其後與

仁智謀說史思明降思明復叛尚書與兄承恩謀殺之

發族夷尚書獨走免李光弼嘉之二本詔拜冠軍將軍

守右威衛將軍檢校殿中監封昌化郡王右領軍使積粟

厲兵出入耕戰以疾去職貞元十一年二月丁巳薨于華

陰告平里年若干既集作葬於其地二子大夫為長子集

無此季曰重元為其官銘曰

烏氏在唐有家於初左領右衛集作左二祖紹居中郎少

卑屬于尚書不償其効二本乃相大夫授我戎節制有疆

墟數備禮登二本以有宗廟作廟天都以致其孝左

祖右孫二本爰饗其報云誰無子其有集作無孫克



文粹對無羞乃維有人念昔文粹作昔命平廬爲艱爲瘁大夫承之危不弃義四方其平士有息息來觀來齋以饋黍稷

文苑英華卷第八百八十

文苑英華卷第八百八十一

碑三十八

家廟二

馬公家廟碑一首

相國崔群家廟碑一首

代郡開國公王涯家廟碑一首

馬公家廟碑

李宗閔

元和十五年夏六月有詔天平軍節度使檢校禮部尚書兼鄆州刺史御史大夫扶風縣開國伯馬公作三廟於京師秋九月新廟成冬十月有一日命公母弟推攝祭行陞祔之禮既卒事推率其族人耆老相與言曰馬氏之先以功名顯於周漢之際下魏晉氏族世寢衰今公起自窮身遂爲方伯克有宗廟勤亦至矣願得銘之於石以示後人



俾其無忘艱難而世世享祀不絕其亦可乎咸以爲然公名惣字會元扶風茂陵人也昔舜伯益掌上下草木鳥獸歷夏殷周世不失職其後造父事穆王有勞賜之趙城氏後七世至叔帶去周適晉事文侯後三世生夙爲晉王卿遂專國事後八世與韓魏三分晉地建國稱王後五世趙之公族有名奢者將趙有功封馬服君其子孫因別爲馬氏自奢七世至通爲漢武帝侍中以二千石始自邯鄲徙茂陵於是屬方疑作右扶風故號扶風馬氏在三國時多仕於蜀更宋至宇文周連連有人公之五代祖曰士儒爲隋江亳二州刺史亳州生伯達入唐舉進士爲懷河內尉樂黃老長生之說棄官從孫思邈遊隱于茅山河內生頴舉

進士又舉八科士於高宗天后朝爲御史尚書兵部郎天下羅織熾起以不證皇族罪用失其官已而歎曰吾雖不逢吾子孫宜有達者兵部生光粹五歲而能詩舉進士爲滎陽令功化甚美縣人傳之滎陽生皇考諱佺年十歲則受左氏春秋日記萬言後方以經明行高歷仕諸侯由檢校尚書職方郎中爲吉州刺史治行卓尤升聞于朝進褒州名加賜命服竟以官卒公旣孤追念世業以爲五代祖有文才仕隋官不過群吏高祖父懷至道曾王父有陰德鬱積而未發三父皇考惠澤在人而皆存不議於朝歿而祭於寢重祥累慶其不在茲乎乃刻心自脩以道迎天之休學明德成名聲四聞於諸侯辟書交至公又言曰古



之貧無以祭必求仁者之粟然則不以其道雖日用三牲  
不如魚菽之爲潔也故在滑與中貴人迕在閩不協於柳  
冕以是濱于死而厄窮十年公亦不悔憲宗即位知公之  
賢追刺泉慶二州以御史中丞都護日南以國子祭酒觀  
察於桂以往升御史大夫師于百越徵拜尚書刑部侍郎  
尋副丞相晉公討淮西淮西平遂代晉公鎮其地加工部  
尚書治蔡州居一年蔡人和且寧遷于許州而并有殷蔡  
朝京師留拜禮部尚書華州刺史而爲鎮國軍元和十四  
年齊寇始誅朝廷以其地廣人衆易生搖動折其都府別  
爲一道而分曹濮之田以益之命爲師齊人之不廷于今  
六十年民窮而無告兵驕而好亂公至則布以誠信示之

法式纖悉而不苟寬柔而有威居一年人盡安田益闢  
軍百吏上下有節上聞之進封扶風伯加銀青光祿大夫  
復追贈王父爲尚書工部郎中祖母常氏爲扶風郡太夫  
人封皇考爲兵部尚書母鄭氏爲滎陽郡太夫人以褒寵  
之命立三廟備致祭以告成功嗚呼人之富貴顯榮以祀  
其先祖世多有之如公之超不失政終始如其志者斯亦  
難矣得不謂之大孝乎明著後世可以無愧銘曰

今皇帝即位六月東藩臣惣使使者上言有司以臣名數  
謬登禮當廟祠皇帝曰昔我憲考聰明聖武兵衛四出掃  
定郡邑愛敬忠良爲民父母實命汝惣作藩于東始平淮  
亂遂撫鄆封庇二邦仍世不虔民痛無告卒驕而頑苞奸



窺隙以萬以千汝來尸之莫不順然朕初即位汝適報政  
疇汝爵邑書于功令惣拜稽首敢亂疑休命皇帝曰咨無  
汝私蔡人不龔汝則治之齊人不安汝則綏之勤亦至矣  
而賞何卑命汝為伯即封於岐惣拜稽首非臣之力陛下  
先臣實有明德臣蒙其慶幸以守職皇帝曰咨我今有詔  
追榮爾先以昭爾孝咨爾土宇錫爾宗廟惣拜稽首死無  
以報乃命季推作廟京師由門及堂不偏不僭龔楹刻栴  
秩秩施施是卜是擇仲月吉日三廟之主第升于室登隆  
享獻夔夔齋慄公猶居外推奉以行克薦誠敬如公在廷  
神祇安樂福祿來并維公之興蓋自諸生維艱維難乃克  
有成咨如疑作汝後嗣無忘此銘

相國崔群家廟碑

牛僧孺

憲宗紀元十四年詔右相中書侍郎平章事清河公群立  
家廟于長安崇業里廟三室粵五月二十二日天子命以  
羊一豕一助奠太常出博士一人相禮儀即日加贈烈考  
金部公尚書左僕射極顯親之榮錫教忠也先是丞相清  
河公諏日卜牲致齋盥洗朝服立於阼階之東司儀告辦  
宗祝讚事奉贈鄭州刺史府君神主祔於第一室夫人樂  
平郡太夫人王氏配座室曰皇考廟奉懷州刺史贈太子  
少師一作今府君神主祔于第二室夫人魏國太夫人李  
氏配座室曰王考廟奉今贈太尉府君神主祔於第三室  
夫人齊國太夫人盧氏晉國太夫人王氏配座室曰考廟



始迎嚴嚴卒事競凌俛興舒於愉愉勿勿瞻虔俯慕盼饗  
 交格逮闇質明禮既勿違君子於是觀卿大夫之孝而知  
 周德之所在矣廟第一室曰鄭州公諱湛字湛然以德門  
 清閥冠當代之疑作弘度茂質儀措紳以全用具業識文  
 武釋褐常州武進縣主簿累選潁川滎陽二長史動必中  
 禮遷必以庸治官將私皦皦矩矩歲終上能宰相啓公爲  
 壽州刺史未被詔而公捐館爲有德者之所哀痛第二室  
 曰懷州公諱朝字守唐書世系表作懿忠即鄭州公第二子也純  
 粹疑秀發爲菁華臨蒞不耀舉適大當蜀天寶羯起虎臣  
 扞難眎得士爲勇弱公以辟三府由試大理寺直攝監察  
 御史四遷檢校倉部郎中兼侍御史知鄭潁兩州節度使

觀察留後錄刺史事時副元帥黎國公抱玉以全師軍

下餼饋廩食悉責於公急須草草一呼三索應卒尤翔了

辨綽綽移試國子司業兼懷州刺史內殿召問賜金紫寵

之以基址大用未幾改檢校左庶子充河西隴右糧料使

是以志將疇謀陟岵以不及致詔恩重此露前能優贈秘

書監大夫家風行孝具於貞元中右相司徒滎陽鄭公餘

慶神道碑文第三室曰贈太尉公諱積字實方懷州公之

嗣子也善一作史書五言詩爲文而敏政建中牟德宗符

梁漢九州歲貢瑟縮不集上在巡責賦稅急租庸包大夫

表公嘗從二府事澄磨割剔以斬斬於當時累請公以秘

書丞殿中侍御史爲判官居廣陵楊子運江南以超行在



公號憂國厄瞞且自力蹄馳楫飛職貢填路寇平謝免脩  
然脫履雖蹤希象外而功行羶灼爲時湏速遂適無容矣  
三遷檢校金部郎中司自陝以東水陸運會其年失仲弟  
哀踰於禮遂嬰疾不起其後寵章七告身自司徒公冊贈  
太尉至於初終密行具於舊相令太常趙郡李公絳神道  
碑文夫以鄭州之厚仁懷州之器業金部之忠孝三良百  
行施豈無集元和年清河公竟以全德文武恭忠溫直憲  
宗外綏華戎內接萬機條綱品例踈貫折折不質不要天  
下瞻信立言者熾疑作丞相之輔理而知三廟之遺愍遠  
矣古者道施於仁則鏤於鍾彝書於簡編其或行浮而實  
未稱者史氏闕逸乃必噫哀於謚誅發輝於文辭寄金石

存景行以備紀事者以之註採今清河公積祥聖代肅  
焯闡推始反本以崇宗祧况方豐非一中於度牲牲且等  
無有缺時春秋禘嘗盡忠盡敬循以丕烈耿光未克篆籀  
泣奉家老狀請隴西牛僧碑傳而誄之銘曰

昭昭成廟櫺松楠栢斲之磨石之謹古不飾二門耽耽瞻東  
應南周匝墀坦庭植冬陰二室峙高肅械嚴深濟濟孝孫  
以時饗之簋等且邇旣具而且恪恭聲聞如見如疑明德  
馨香百福已來厥初大風齊太之遺支胤茂秩累累而賢  
榮陽之仁河內之才太尉植行將開以先冊元感靈乃儀  
鳳凰丞相厥生輔我唐章忠孝懋宣興時太平耀榮祖宗  
以尊顯親旣祭則禮一作以敬如一作存牲罕具肥祝史



贊神宗婦宗工整整平平社祚之傳若火移薪於萬斯年爰有記云

代郡開國公王涯家廟碑

文粹作典元飾度使王公先廟碑

唐制五等有爵服而無山川登于三事得立四廟備物崇

祀以交神明敬先報本以輔孝治有國之令典也惟長慶

三年前相國王涯

集粹作公

始卜廟於西京崇業里公時鎮劔

南東川上章曰

臣

涯官秩印綬品俱第三請如式以奉宗

廟制曰可是歲仲冬申命長男孟堅祔其主于三室明年

公入為御史大夫復以十一月躬行蒸祭間歲公出梁州

就拜司空禮崇異數廟加常祀

文粹作祀室

大和二年增新室

既成祔顯考于宗

二本

位告饗由禮觀之者以為世程

一室曰上儀同

幽集作

州別駕府君諱元

文粹作光

政以妣

陵崔氏配第二室曰湖州安吉縣令贈尚書刑部員外郎

府君諱實以妣贈扶風縣太君馬氏配第三室曰朝散大

夫青州司馬贈戶部侍郎府君諱祚以妣贈武威郡太夫

人賈氏配第四室曰溫州刺史贈大尉府君諱晃

二孝以

妣贈魯國太夫人博陵崔氏配初周靈王太子晉遇浮丘

公化為神襍時人號曰王家其後遂以命氏顯於秦者王

文粹

作日翦三世將秦師子孫分居晉代間東漢有徵君霸霸

孫甲亦號徵君徙居祁縣為著姓故至于今為太原人自

漢涉魏益以熾昌凡十葉至後魏度支尚書廣陽侯罔廣

陽有二子神念神感神念南奔梁神感北仕齊惟儀同府



君廣陽侯五代孫也唐興于太原實從義旗佐成王業故  
 有開府儀同之寵惟刑部府君以功臣子理二邑不躋貴  
 仕故有錫羨後大之祥惟戶部府君幼孤以孝聞於鄉曲  
 未冠以文售於文粹有司由前進士補延州臨安縣主簿  
 會詔徵賢良策在甲科授瀛州饒陽尉歲蒲遷渭南尉天  
 后在神都而東畿差重遂由渭南轉河陽適逢建萬像神  
 宮甸內吏分董其役因上書切諫繇是名益聞開元初以  
 大理司直馳軺車聯讞大獄閩禺朔漢文粹所至文粹作  
 决平早以繁棘傷生晚成劇恙樂就夷曠故不至大官惟  
 大尉府君生於治平時以文學自奮年十有五賁然從秋  
 賦明年春升名于司徒又一年玄宗御層樓發德音懸文

詞政術科以置髦士府君策最高授太常寺太祝未幾

以能通道德南華冲虛三真經進塾屋尉天寶中歷左文

右拾遺左補闕禮部司駕二外郎屬幽陵亂華連二本兵

南服因佐閩粵改檢校比部郎中行軍司馬時中原甫寧

江南為吉地二千石多用名德乃以府君牧温州朝廷虛

公卿以俟高第及聞永嘉人輟舂罷社薦集作紳間以不

淑相吊焉雖位負于道而邁德垂矩後之人得以續祚不

揚之其儲休啓祐有自云爾生三子皆聰明絕人長曰沼

以神童仕至檢校禮部郎中次日潔以奇集作文仕至國

子祭酒今代郡公實季子也早在文仕籍射策連中咸世

其家貞元中德宗聞其名自藍田尉召入禁中視草厥後



三典書命拜叅內廷憲宗噐之付以國柄翊贊有道雖冊  
免常居大僚今年自梁州請覲上思用舊臣爲羽儀遂領  
太常其公府如故以一心事六君顯官重務靡不揚歷且  
夫起諸生至三公而心愈卑道益廣出授黃鉞以臨集注  
諸侯入服華章以謁家廟追崇極大位血食備多室享全  
榮而奉詔薦嗚呼公侯之孝歟宜書廟噐以視橋公之三  
鼎其辭曰

烈宇神庭邃清而嚴上公之儀四室耽耽犧以絜牲粢以  
大糝交神尚敬合魄尚氣子姪宗工駿奔奉事副筭侈袂  
儼恪居次孝孫兢兢執爵而升以禋文粹以伏作濯以興  
水陸具來羶薌畢登列于園方其氣增增乃初蒸嘗二本

論乃敬而進遠二昭二穆孝以尊本瞻瞻几幄踳踳堂  
禮成起慕涕落玄袞濡露踐霜誰無永懷不如達者哀與  
榮借逢時奮庸誰不得位不如仁人以道爲貴惟公之達  
今名以顯親惟公之仁兮德以澡身六朝之清臣一代之  
全人宜其世家翼亮二本振振罔不恭肅集作肅祗祗于廟  
門集作于門廟之門



文苑英華卷第八百八十二

碑三十九

家廟三

東都留守令狐楚家廟碑一首

天平軍節度使殷公家廟碑一首

淮南節度使檢校尚書左僕射趙郡李公家廟碑一

首

東都留守令狐楚家廟碑

劉禹錫

奉  
上元年七月十三日汴州刺史宣武軍節度副大使知  
檢校禮部尚書兼御史大夫上柱國彭陽縣開國伯令狐  
公西嚮拜章上言守臣楚蒙被恩澤列為元侯得立家廟  
以奉常祀制書下其奏于有司於是善相考祥得地于

集作



於京師通濟里居無何新廟成公以守藩故申命季弟監  
 察御史定卜牲練日越八月丁亥祔享三室埴墉以尚幽  
 設幄以迎精禮無尤違神用寧謚第一室曰秦州上邽縣  
 尉諱濬以妣太原王氏配第二室曰綿州昌明縣令贈吏  
 部尚書諱崇亮以妣贈太原郡夫人河東柳氏配第三室  
 曰太原府功曹叅軍贈司空二字集作太子太保諱丞集作承簡以妣  
 贈魏國太夫人富春孫氏配明年十月公由浚郊以介圭  
 入觀直舞戶部尚書進爵為侯既辭戎旃集作旗得以列侯  
 謁三廟是歲南至上不視朝又得以展時祭先期致齋栗  
 然以敬既齋盡志歆然永思奉其百順陳以具物始躋福  
 虔恭終獻而沈淵既卒事額麗牲之石宜有刊紀乃俾家

老校其牒于所知云令狐晉邑也晉大夫魏顛以輔氏之  
 功始封焉其易名曰文國語所謂令狐文子是也一作其已  
 先周文王之昭畢公高之裔畢萬為晉卿始封于魏自萬  
 至顛蓋四世其後三十七世藍田侯虬仕拓跋魏為燉煌  
 郡太守子孫因家遂占數為郡人藍田之孫熙在隋為納  
 言惟上邽府君納言之玄孫道克肖而位不至惟尚書府  
 君西州之右族光未耀而德已基惟司空集作太保府君志為  
 君子之儒以明經文粹作經學居上第調補陽安縣主簿歷正  
 平縣尉汾州司法叅軍陝西大都督府兵曹終于太原府  
 首搦始以顯經進既仕旁通百家愛集作愛非穀梁子清而婉  
 左丘明國語辨而工司馬遷史記文而不華咸手筆朱墨



究其微旨愷悌以肥家信誼以急人德克齒耄獨享天爵

故休祐集作祐集于身後徽章流乎佳城凡以子貴丞集作承

澤降命書告第者始贈尚書祠部郎中再贈禮部尚書三

加右僕射四進太保五為上公八字集作四字今稱先夫人亦四徙

封密印纍纍邦族聳慕生三子皆才彭陽公為嗣次子從

端實肅給今為檢校膳部郎中叅河東軍事季子前所謂

監察御史今主柱下方書温敏而有文綽綽然真令兄弟

惟彭陽公以才名翰飛叅侍從八字集作以詞筆取科名叅侍從由博士

主尚書牋奏典內外書命遂登樞衡言文章者以為冠擁

節總戎率身知集作和是衆留于盟津變風于浚都言方畧者

以為能夫浚師嘆喏難治乘覺竊發寢成習俗莅政二作本

五載飲和革心東馬來朝憑熊集作熊羆文粹作人皆隕涕問公還

期觴必祝之留為常伯旋命居守汴人聞公之東近而愈

集作俞懷翹集作翹翹集作翹盡文粹作咸西其首言遺愛者可紀焉貴

而率禮老而能慕林惕乎霜露齊莊乎廟祧睦其仲季施

及鄉黨言孝悌者歸厚焉勒銘于碑以代夷文粹作彝鼎銘

曰已孤之孝莫如備物顯彼二本顯新廟四阿三室時維仲月

卜用柔日醴醴苾芬牲牷博文粹作肥脂籩甗在堂蕭管在庭

孝孫蒸蒸躬文粹作恭若捧盈低簪委紳薦俎登劔盼蠻交感

流涕集作涕緣纓禮以備儀誠以致美祖考來格錫之休集作

丕祉工祝告記退循軒所乃授風人作詩以紀荷歟彭陽

文苑英華 卷一百一十五



之寵光佐憲皇穆集作王非西省東臺迭為侍郎國之大柄集作政咨爾平章敬宗凝旒俾鎮雍丘入為地官集作守東周彭陽之忠厚宜介福以壽東郊既釐可復朝右綿綿其曹系于周舊由我顯起必昌其後大和紀元作廟之首刻碑廟門龍集巳酉

天平軍節度使殷公家廟碑

馮宿

能樹休勳著茂功豐人爵列天秩焜耀當代恢張其門者幾何人哉不有營繕乎先宗廟而後宮室不有禋祀乎愴春秋而感霜露太和甲寅歲天平軍節度使檢校尚書右僕射陳郡殷公脩建家廟于京師永平里之東北隅禮也前此表陳其請詔報曰俞勿亟成功度思來格於是乎對

獻尸奠盎之茂典徵以繭粟浴蘭之通制冬十有一月辛亥奉工部衛尉騎省三府君李氏周氏劉氏三太夫人神主克祔于其室自西徂東靡陋靡豐守經據古處約為恭追惟我氏之權輿二十一代祖封在東漢桓靈間為諫議大夫出冀州刺史避黨錮棄官挈家屬南渡江栖於曲阿邁德流芳或隱或顯絜于家牒播于人聞十九代至工部府君諱楷字文綯一作詢高宗朝四岳舉高第釋褐拜雍州新豐尉累遷大理丞天授中以議獄平反為酷吏所陷貶台州永寧丞今上太和八年七月詔追贈工部侍郎衛尉府君諱玄覺字元明十八明經出身以工部府君處明夷之時持法不撓謫居而歿未歸舊阡茹荼調選求為寧海



尉既克營護祔于先兆遂大布之衣終身不言祿與工部  
府君同日追贈衛尉少卿騎省府君諱懌字易從少負志  
氣博學善屬文弱冠遊太學籍甚於公卿間天寶末知天  
下將亂乃捉裝東歸侍太夫人版輿徙居吳郡吳中士大  
夫得從府君遊者鄉黨以為榮本道採訪使李希言辟為  
從事奏授試崑山尉浙東節度使薛兼訓請為謀奏授試  
右衛兵曹參軍並不就事具今東川節度禮部尚書楊嗣  
復府君神道碑元和至寶歷中累追贈左散騎常侍於戲  
三君皆位不允疑作量道屯於時贈典累錫覃恩逮及天  
其或者將厥後必有達人疇庸績服在於茲者不然何陳  
郡公之龐鴻魁梧磊砢昭彰若此陳郡公大度宏略自誠

而明垂髻而早聞立志負笈而見賞先達佐輶軒不辱於  
絕域昇禮闈有聲於奉常爾其起草彌綸剖符愷悌五諫  
之弘益十連之勞徠徵拜名卿出乘元戎奮餓夫為齊氓  
化亂邦為善部襁負始至壺漿遽迎錫命就加璽書亟降  
時以為賀公以為憂桂人洪人滄人鄆人既尸祝之又謳  
歌之異日鄭伯來朝韓侯入覲執圭有委蛇之狀捧俎申  
洞屬之容揚名立身養親繼孝賢臣之懿畧彰矣君子之  
能事畢矣夫碑之於神道者懸空疑作所用碑之於廟門  
者麗牲所資先祖無美而稱之之為一作誣先祖有美而  
不稱之之謂不明古之人銘其功烈於鼎今人銘其德善  
於碑若然則轉石他山搜詞直筆垂攸久於刊刻託堅剛



以居諸鼓音無窮鍾慶不匱盡在是已其銘曰

帝里西偏天街右方三室兩廂克建一作構斯堂於惟浸昌

云誰經之邛侯殷君云誰處之祖烈宗文藹然清芬揚名

顯親教孝申敬是為率德可以觀政莫之與盛比時備物

追遠復始無違享嘗茲用受祉固在元祀祝嘏言具粢盛

既飭罔絕敬齊如聞歎息有典有則順考前典聿脩明禋

事死猶生為能饗親爰奉爰尊於惟皇祖恃法不回酷吏

所擠竟孤其才僉曰哀哉穆穆王父天鍾孝德啜泣封樹

歸全兆域報日罔極猗那先子超度名輩遠圖中輟貽慶

後代玄鑒不昧否道既傾復迷非遠奉烝如在欽若報本

飛章歷懇秉越有虔干城嶷然未懷悽愴長薦吉蠲於斯

萬年

淮南節度使檢校尚書右僕射趙郡李公家廟碑

白居易

王建侯侯建廟廟有噐噐有銘所以論譔先德明著後代

或書于鼎或文於碑古今之通制也維開成某年某月某

日宣武軍御史節度使檢校尚書右僕射汴州刺史上柱

國賜紫金魚袋趙郡李公齋沐祗栗拜章上言請立先廟

以奉常祀於是得請于天子承式于有司是歲某月某日

經始於東都明年某月某日有事于新廟外盡其物內盡

其志三獻百順神格禮成其友居易以李氏南祖唐宰相

李乃趙郡李氏有南祖唐宰相世家名爵與僕射志行官業書于

西祖東祖集作宗廟非唐宰相



麗牲之碑謹按家畧九代祖善權後魏譙郡守八代祖延

觀徐梁二州刺史七代祖續馬頭太守六代祖顯達隋穎

州刺史五代祖遷皇朝宜毅二州別駕贈德州刺史高祖

季集粹卿右散騎常侍贈德集粹州刺史曾祖府君諱敬

玄總章儀鳳間歷吏部尚書侍郎同中書門下三品中書

令弘文館太學士監脩國史封趙國公謚曰文憲才智職

業載國史今祭于第一室以妣荆集粹國夫人范陽盧氏

配焉王父府君諱守一屬世難家故不求聞達避榮樂道

與時浮沉終成都府郫縣令今祭于第二室以妣榮陽夫

人鄭氏配焉先考府君諱晤集粹歷金壇烏程晉陵三縣

令府君為人篤於家行飾以吏事動有常度居無惰容

蒞之邑有善政辭滿之日多遺愛不登貴仕其命矣夫

于第三室以先妣上谷夫人范陽盧氏配焉府君累贈至

尚書右僕射夫人累贈至上谷郡太夫人前後凡三追命

六告身二本渥澤疊洽自葉流根從子貴也郫縣洎晉陵

府君咸善積于躬道屈于位儲祉流慶而僕射生焉僕射

名紳字公垂六歲丁晉陵府君憂孺慕號踊如成人禮九

歲終制孝養上谷太夫人年雖幼承順無違家雖貧其旨

無闕侍親之疾冠帶不解者三載餘可知也執親之喪水

漿不入口者五日餘可知也先是祖考妣晉陵府君前娶

早洎叔父兄妹之殯咸未歸祔各隅集粹一方公在斬衰

中親護九喪匍匐萬里及期喪事禮無闕遠至誠文粹感



神有靈鳥瑞芝之應事動鄉里名聞公卿言孝友者以為表率憲宗嗣統三年李錡盜據京口公寓居無錫擢第東歸錡聞公名署職引用初詢以謀畫結舌不對次強以章檄絕筆不書誘之以厚利不從迫之以淫刑不動將僇辱者數四就幽囚者七旬誠質神明有死無二言名節者以為準程朝廷嘉之拜右拾遺歲餘穆宗知公忠孝文行召入翰林特授司封員外郎知制誥遷中書舍人承旨前滕二本作承知無不言獻替啓沃如石投水俄拜御史中丞顏色勝戶部侍郎既而望屬台衡朝當晏駕時移世變遂出掾高要佐潯陽旋為滁壽二州刺史大凡公之為政也應用無方所居必化卧理二郡以去害為先故有盜奔獸伏依

之感廉察浙右以分憂為功故有卹隣活殍之惠尹正洛以革弊為急故有摘奸抉蠹之威文宗知公全才知粹以作汴難理乃授鈇鉞俾鎮紱之初宣武師人驕強狠悍粗亂徼利積習生常公既下車盡知情偽刑賞信惠合以為用一年而下懲勸二年而下服畏三年而下耻格肅然丕變薰然太和撫之五年人俗歸厚至於捍大患禦大災却飛蝗遏暴水致歲於豐稔免人於墊溺噫微公之力汴之民其為殢乎其為魚乎殊績尤課不可具舉天下征鎮淮海為大非公作師不足以長束諸侯制加銀青光祿大夫揚州刺史淮南諸州二本節度觀察等使餘如故詔下之日出次於外軍門不擊柝里巷無吠犬從容五日按節而



東百姓三軍挈壺漿捧篋醪遮道攀餞者動以萬輩皆嗚咽流涕如嬰兒之別慈母焉噫若非襦袴之惠及其幼鷄豚之養及其老又推赤心置人腹中者則安能化暴戾之俗一至於此乎西人泣送東人敬迓二本梁楚千里風變化移膏雨景星所至蒙福于時開成會昌之際上方致理公未登庸顛顛蒼生還二本望而已盛矣哉大丈夫生於世也以忠貞奉于君以義利惠乎人以黻冕貴乎身以宗廟顯乎親以孝敬交乎神宜其荷百祿輔一德為有唐之宗臣者歟君子謂李氏之廟也休哉公之祭也順哉然曰有孫如此有子如此可謂孝矣故其碑銘曰二本祭祀從貴爵士二本有秩諸侯之廟一宮三室皇皇西

皇祖中書曾二本孫追遠昭穆有初顯顯中室王父即今順孫祗享盡文粹盡敬肅肅東室先考晉陵嗣子奉薦孝思蒸蒸嗣子其誰僕射公垂公垂翼翼齊嚴諒直為子為臣有典有則載膺休命載踐右職以孝肥家以忠報二本肥國乃授侯伯肅鉞旂戟乃饗祖彌牲牢黍稷家聲振耀國典褒飾六命徽章三世血食光大遺訓顯揚先德子孫承之垂裕無極

文苑英華卷第八百八十二



文苑英華卷第八百八十三

碑四十神道一

將相

此下七卷英華所編  
大作者先後今正之

太子少傅蘇環神道碑一首

贈太尉裴神檢神道碑一首

太子少傅蘇環神道碑

盧藏用序  
張說銘

維唐景雲元年歲在庚戌十一月己巳太子少傅許國蘇

公薨于崇仁里之私第春秋七十有二嗚呼哀哉

無此  
二字

粵明年三月己酉制葬我公于武功之先塋禮也公諱環

字昌容京兆武功人也其先出自帝高陽厥胤曰黎實勤

火正逮昆吾之子始封於蘇以國受氏公其後也暨漢平

陵侯子侍中嘉魏侍中則晉尚書遜聯華國圖代載明德



公高祖周度支尚書封國公諱綽立言成務垂法後王言  
曾祖隋尚書僕射開府儀同三司雍州牧諱威嘉暮成績  
懿于當代大父隋尚書職方郎中鴻臚卿諱夔理綜群品  
識覃衆妙烈考秘書丞沁台二州刺史追贈岐州刺史遊  
藝聚學素風不墮一作墮公系上聖之遐緒鍾盛德之衆茂  
資元和以體仁穆清明以成美初孩而孤稟絳郡夫人之  
慈訓幼而岐嶷聰敏冠常始讀山棲志一覽便誦及長博  
通經史尤善屬詞年十八進士高第補寧州叅軍轉恒州  
司法丁絳郡夫人憂自中出涉寒從至京兆哭不絕聲性  
以禮全形以哀瘞左庶子張大安以孝悌上聞服闋拜恭  
陵丞轉相王府錄事王改封豫官上小隨府上帝即拜朝散

大夫尚書水部員外郎未幾兼侍御史淮南蕪按俄轉  
官員外郎兼官尹丞歷水部祠部郎中兼判司禮事以親  
聯出爲朗州刺史轉歙州刺史武興令檢校冀州刺史累  
遷汾鼎同汴楊映以累最入爲尚書又拜右丞加銀青光  
祿大夫遷尚書左丞戶部尚書又拜侍中京師留守兼理  
冤滯車駕還京持節河北安撫加金紫光祿大夫轉吏部  
尚書東都留守尋追還守本職尋拜尚書右僕射同中書  
門下三品封許國公脩國史今上踐祚拜尚書左僕射屢  
抗詞乞骸優答不許拜太子少傅公長子頴歷給事中中  
書舍人嘗與公聯侍紫墀接機黃閣前後之拜近古未有  
公體道貞固立志一作心簡直多識前言遍詳舊事自周隋



損益家牒可紀公則紹之罔不畢綜故閨門之內孝悌成則朋友之間忠信克舉其在參佐也婉孌柔嘉醜夷不爭其事藩邸也從容諷議賓僚是仰四爲郎而彌綸之功布于省閣九爲牧而循良之績著于州郡周旋二轄焯耀文昌廻翔兩宮耀鑠巖廟版圖國之信而五教在寬冢宰人之紀而九流式叙左右端揆盡訐謨之畧東西掖闈備志謹之美德逾盛而心益下位彌大而行益恭用能高而不危長守富貴考父三命謙光數朝平仲一心中孚累聖非至德淑慎疇至此哉夫其仁恕篤密清廉簡惠躬儉約以自持蹈名教以檢物祿以周給不積於家財以睦親必均於衆故義廣而私謁之途阻名揚而兼濟之道宣茲亦叔

叔之賢國僑之懿也幾深通志精晤默識然文以蹶跡

管管靡絢其華學以辨微固伸於已故始終機揆舉無遺策

斯文子房之智孔明之能也造膝沃心務存匡救引過稱

善不近於名故聲聞於天而口無擇績宣于事而心罔專

蓋叔子之仁孔子之慎也兼斯衆善以享明德方將三階

載理兩宮更曜天命不祐奄忽遷殂朝喪其楨人隕所戴

天子悼焉臨遣大府卿李從遠策書吊祭輟朝三日有司

備禮發哀追贈司空荊州大都督賻絹八百段米粟八百

石凶事葬事並官給賜東園秘器大鴻臚卿監護官爲立

碑皇太子別次發哀遣洗馬吊祭賻物二百段義和擇日

太常考行朱旂載路班劔啓行哀榮之禮備矣諸侯之孝



終矣公家代尚儉載在縑竹是疑作生也門無主宿堂無

容其終也瑩無封樹隧無碑表大漸之始遺令遵行頽等

泣血受命罔有踰越雖逼朝日不旌墳壙建碑于瑩北一

十五里故文藝之行經緯之迹雖備于國章布在人口懼

違先訓皆略而不書中書侍郎同中書門下平章事范陽

張公雅俗之鎮具瞻令德文章之雄談者為楷偉公道德

之首微猷可行刊石紀頌穆如清風頌曰一作其

斤斤蘇公正體集集作體正含道稟靈淳粹為唐元老忠以衛

主孝以立身文以經國惠以安人司牧九郡九郡爰靜平

章百工百工爰整千載典憲三朝綱領上慕先人五代相

國下垂餘慶七子令德帝謂庭碩伊公是似一作非接待王

維序拜金祀聯華壘潤佐我天子於戲彼蒼國翰云上

頽五獄天拆三公備禮詔葬群官會喪掌史司德刊銘路

傍

贈太尉裴行儉神道碑

張說

星辰玄集作象所以殷時布氣然而行不言之道者天也

文武用才所以勤官定國然而收集有無為之理者帝也

當高宗之休運任名世之良臣清九流而闢四海代天工

而張帝德歷選前哲豈多乎哉公諱行儉字守約河東聞

喜人也其先出于羸姓伯益之後也秦則裴侯始封漢則

侍中受職魏晉之代鬱為盛門八裴方於八王聲振海內

三子尊為三祖望高士族自冀州刺史徽至公十二代中



軍將軍雙虎唐詩至公六葉代無遺德不隕厥問者已大王

父伯鳳周驃騎大將軍光汾二州刺史琅邪郡開國公大

父定高大將軍馮翊郡守龔琅邪郡公諸侯受封山河傳

國天子共理循良克家考仁基隋左光祿大夫以陰圖王

克伏羲拔舊主遭時不利玉折名揚聖唐龍興旌淑勵節

贈原州都督命謚曰忠盡集作蓋春秋之褒也公清明本乎

世德正性出乎胎教氣潤河靈貌雄岳立仁孝之道天生

而知將相之器與年俱長以高蔭為弘文生絕事篤學累

年不舉房僕射異而問焉對曰隋室喪亂家亡集作乏典籍

館有良書探討未徧故少留耳梁公驚曰驥子志氣凌雲

一日千里其早為通人之目也如是明經補左屯衛倉曹

諸舉轉雍州司士選金部戶部二員外歷都官郎中長安

令明慶中與長孫太尉楮河南論及中宮廢立國家憂患

有公伯僚諳行於季氏出為西州長史又改金山副都護

又拜安西大都護西域從政七八年間窮荒舉落重譯向

化我之獨賢邊之多幸乾封歲徵為同文少卿尋除司列

少常伯官復舊號為吏部侍郎加銀青光祿大夫自居銓

管大設網綜辨職差才審官序爵法著新格言成故事上

元中長星出天禿髮入塞詔公為洮州道左軍總管又為

秦州鎮撫右軍總管並受元帥周王節度雖祭公有諫耀

武之事不行而方叔陳集作帥師來威之道備矣儀鳳二年

十姓生可汗匄延都支為集無此字裴李遮匄潛構大戎



倣擾西域朝廷憑怒將行天討公進議曰敬玄敗績於茅  
戎審禮免胄而入狄豈可絕域更勤集作王師今波斯王

亡侍子在此若命使冊立則路由二蕃便宜取之是成擒  
也高宗善其計詔公以名冊送波斯兼安撫大使公往菴

遺愛洽於人心是行也百城故老望塵而雅拜四鎮酋渠  
連營而認酒一言召募萬騎雲集公乃解嚴以反謀託獵

以訓旅誤之多方間集作其無備裹糧十日執都支於帳  
前破竹一呼鉗遮匍於麾下華戎相慶立碑碎葉蓋美克

雋不殺而是講集作要集作人以德而去害審集無廓氛  
侵於地表輝皇靈於天外元國有屯田之頌寶憲有燕山

之銘訂集作茲遠略彼何集作也遷禮部尚書加上柱國又  
特降恩命兼右衛大將軍夷典秩宗神必據我文昌有

天道存焉調露中單于可汗伏念外叛大鴻臚蕭嗣業喪  
律詔公為定襄道大總管軍至朔州斥堠相接匈奴故態

狙劫糧以餒師神將出奇張虛勢以陷敵偽為轉運伏其  
壯士示羸師以緩行隱精騎以躡迹寇果大下援兵奔散

騎虜益驚自為得色驅此車牛憇彼泉井於是箱中兵起  
千弩齊發要路騎飛一息而至群胡顛沛殺傷滿野從此

鎮運路無驚者觀夫大漠無倪穹廬靡所追之逃遯捨之  
憑陵費日老師兵家所病公潛使緩頰均其利心深圖既

入狼意亦改及委罪衙官陰送降款公密上其事人莫之  
知及如所期舉國歸附煙塵大起師徒惶惑公徐使令軍



曰此是伏念執溫傳來降非他寇也俄而郟壁轅門釋縛  
納疑帝加厥勲命尚書崔知悌乘駟勞軍備禮獻凱用勲  
之日程務挺張虔勗者行軍之偏將也訴言子勞集作營逼

逐方降大軍又屬秉鈞忌才上下其手公曰雖不逮群師  
之讓功集作力猶恥與二王之競力集作功今而殺降後無來

者乃封公聞喜縣開國公而伏念溫傳皆戮都市是年也  
伏念弟元珍擁其餘種復叛則天稱制追正宿枉贈伏念

太僕卿程張諸家別故夷族君子以為神理之不可誣也  
永淳元年詔公為金牙道大總管未行遣疾四月二十八

日薨於京師延壽里春秋六十有四長子貞隱早卒嫡孫  
泰玄嗣封藐是諸孤哀哀童幼高宗悼焉贈幽州都督

凶儀還鄉喪葬官供禮部郎中監護窀穸之數率禮有

別勅留守委皇太子擇六品京官一人檢校家事五六年  
間待兒孫稍成長日停寵極哀榮禮之厚者擇周集作及存

沒義莫重焉太常議謚博古多能文武表式曰憲其年十  
月葬我憲公於聞善之東良原禮也神龍中興朝思舊德

贈公揚州大都督開元孝享皇帝辛集無此三字宰嗣延恩贈  
公太尉生不登于集作乎台階沒追位乎靈庠序四時於地

下集作下調三光於天上集作上天聖人神教意在茲夫公志堅  
慮精神勇識澈藝必討本學皆覩粵又善測候雲物推步

氣象鬼無遁謀靈不藏用著文集二十卷造草字數千文  
皆寶傳人間以為代法又撰譜十卷又為軍營行陣部衆



料敵等四十六訣大聖天后令秘書監武承嗣就家取進  
以為密秘述三字集豈比馬卿浮華難留封禪之草劉安

虛誕空傳鴻寶之書而已哉加以汲引沉淪推獎氣類虛

懷而襟帶不設弘亮而城集作府洞開故虎旅雲從詞林

響應若羽毛之宗麟鳳衆川之長江河也在選曹見駱賓

王盧照隣王勃楊炯評曰炯雖有才名不過令長其餘華

而無集作實鮮克令終見蘇味道王劇嘆曰十數年外當

居衡石後各如其言其在軍麾擇帳下之士則有張知運

薛訥闞敬客其元暕裴思諒王智方呂休璟劉玄意引偏

裨之將則有程務挺張虔勗王方翼崔智誓党金毗郭待

封劉敬同李多祚黑齒常之凡所進拔盡為名將此則有

道之人倫武侯之賞鑒也公之送波斯也入莫賀延磧

遇風沙大起天地冥晦引道集作皆迷因命息徒至誠虔

禱徇於衆曰井泉不遠湏臾風止氣開有香泉豐草苑在

營側往來之人莫知其處此乃耿公之拜井商人之化城

也公在禮闈勅賜善馬及寶鞍令史奔馳馬倒鞍破懼而

逃罪公使詔之曰知汝誤耳又平都支遮副大獲珍異昔

長將吏請遍觀焉有馬腦大盤希代之寶也隨軍王休烈

捧盤跌倒應時而碎叩頭流血惶怖請死公笑曰事有不

意何至重玉而害人乎此又文饒之含容邴吉之仁恕也

公西擒都支北降伏念前後錫馬五百疋僅二百人金銀

器物三千器錦罽織皮三百段公受置庭中旬日散盡此



又趙屠之待士田文之市義也若夫知人以為本感通以  
為行善貸以為常散積以為樂古之友道者從事於斯矣  
公元夫人河南陸氏兵部侍郎爽之女也陸氏卒繼室以  
華陽夫人庠狄氏有任姒之德班左氏之才聖后臨朝召  
入宮闕拜為御正中宗踐祚歸養私門歲時致禮媯皇集  
后補天進參十亂少康嗣夏退叶三從晉朝公卿列拜虞  
潭之母周官音注近同韋逞之家皇上臨極旁求陰政再  
降綸言將留內輔夫人深戒榮滿遠悟真筌固辭羸憊超  
謝塵俗每讀信行禪師集錄求期尊奉開元五年四月二  
日歸真京邑其年八月遷窆之於終南山鴟鳴堆信行禪  
師靈塔之後古不合葬魂無不之成遺志也長子參玄官

至涇郃二州刺史聿脩厥德人亡道存次子延休并州

水令世載文雄家傳草聖次子慶遠協律郎深達禮樂克

和神人咸負長才同淪短運季子光庭侍中兼吏部尚書

輔政邕熙致君堯舜孝理發乎陵廟仁澤遍乎松檟是故

妻以夫榮母以子貴以集無尚書先贈方伯中命上公夫

人舊封華陽增號晉國詩云文武言甫萬邦之憲上公有

焉又曰彼美孟姜德音不忘小君有焉孝經云立身行道

以彰集作顯父母侍中有云合三德而為家橫百代而濟

美信可以言時稱代鏤石刊金者歟神道前銘薛令所撰

具有後命俾余係述馬遷世家益孟堅之一傳劉寬表墓

並伯喈之兩碑報德教忠俱傳不朽銘曰



天生亞聖祚此王國文綜九流武參七德柔遠服叛窮西  
盡北赫我皇靈去其蝥賊仁則不遠智何不周如山之峻  
如川之流術與神合藝將道遊書來懸帳賊出登樓司馬  
軍陣官人紀綱帝加常伯國于開喜室有令妻家成克子  
社金傳世桓圭守祀神道集作上台永介邦祉

文苑英華卷第八百八十三

文苑英華卷第八百八十四

碑四十一

神道二

將相二

梁國公姚崇神道碑一首

右僕射太子少師唐璿神道碑一首

侍中兼吏部尚書裴光庭神道碑一首

故開府儀同三司上柱國賜楊州刺史大都督梁

國文真公姚崇神道碑

張說

叙曰八柱承天高明之位定四時成象亭毒之功存畫爲  
九州禹也堯享鴻名播時百穀棄也舜稱至德由此言之  
知人則哲非賢罔入致君堯舜何代無人有唐元宰曰梁  
文貞公者位爲帝之四輔才爲國之六翮言爲代之軌物



行爲人之師表蓋維嶽降神應時間出者也公諱崇字元  
之姚姓有虞之後遠自吳興近徙于陝今家洛陽焉烈考  
長沙文獻公樹勲王室建旗雋府公純綺而孤克廣前業  
激昂成學榮問日流武庫則矛戟森然文房則禮樂盡在  
弱冠補孝敬挽郎又制舉高第歷佐濮鄭並有聲績集本文粹  
華入爲司刑丞天授之際獄吏峻密公持法無頗全活者  
衆進夏官員外郎郎中侍郎朝廷曰能遂掌軍國遷鳳閣  
侍郎監脩國史兼相王府長史始則天人讓王承置醴之  
顧終以飛龍利見延驟乘之恩自時厥後恒當大任凡三  
處兵部尚書三入中書令一爲禮部尚書左庶子又肅政  
大夫物愬靈武庫兵馬又司僕卿知隴右監牧使出典毫末

常越許申徐潞揚同十郡景雲初以藩邸舊寮封梁國公

食賦百室公性仁恕行簡易器臣懷泛愛而涇渭不雜真率

逕

二本

盡而應變無窮每

文粹作常

推是心以御於物故

所蒞必毗庶風偃桀驚

二本

化從言不厲而教成政不威

而事理去思觀頌來暮聞歌旣登邦政卒乘輯睦及在宗

伯神人克諧今之中書是爲理本謀事兼於百揆論道惣

於三台公執國之鈞金玉王度大渾順序休徵來臻懋德

格天名遂身遜拜開府儀同三司崇其秩逸其志也初太

夫人在堂公受任

文粹

西掖頗限尙禁求侍晨昏優詔旣

許尋命

二本

還職公固請以泣制曰家有令弟足慰母心

國有棟

集作

臣安可斲闕其後部符江表敷諭起復纒麻



外墨纒棘內毀變禮中樞通識所貴神龍之首與聞興復  
疇其井賦累讓而停夫以革故鼎新大來小往得喪而不  
形於色進退而不失其正者鮮矣君子曰忠不忘親仁也  
哀不違事義也讓功辭邑禮也濟代全名智也仁以長人  
義以和下禮以安上智以周身宜其光輔四帝軒冕三紀  
池臺琴筑優游暮齒傳爵土於祚胤保祿位於終始矣享  
年七十有一開元九年九月寢疾薨於東都之慈惠里皇  
上悼焉國人慕焉撫牀輟春曾未云比制贈揚州大都督  
謚曰文貞禮也十年二月葬於萬安山之南原在疾也王  
人賜膳御醫視藥集作御藥視醫于薨也中使弔臨羽儀哀送君  
臣之義厚莫重焉子昇子集無奕思綴遺美以寘罔極有

詔掌文之官叙事盛德之老銘功將以寵宗臣揚英烈  
乃灑恩仙翰鏤澤豐砥日月照臨於佳城煙雲變態於神  
道寶其文字別為群玉之山禁其樵蘇即表三司之墓銘

曰

源深自虞派別從吳避地魯陝居家洛都神明遠契岳瀆  
真符翊聖斯偶生賢不孤仁將勇濟孝與忠俱學文粹作丹

攢植文鋒迅驅終安卑位即聘長途惟實惟有若虛若無  
再三軍國一二訐謨戎柄尤重王綸最樞兼司任切久政  
榮殊黼藻彌煥冊青靡喻以寬容物以鑒分區外或形放  
中恒禮拘箴雖誠口諍亦忘軀但覩渾璞誰詳瑾瑜伊咎  
尺寸管樂鏘銖名遂身正二本作名正身遂言誠願孚方辭漢祿



更辱齊祖既積而散窮歡盡娛川歸東極日去集作西輔

上惻旒宸旁悲路衢藍田美玉荔浦明珠載廣休慶爰弘

典謨豐碑乃立盛業其輔帝念頰軫仙毫持紆鐫金刻石

鳳篆龍圖七耀光動三泉澤濡銓文粹能欽事理鬱詞敷

求舊銘實慙惡碑蕪二本作慙緬思雲霧尚想江湖有道

之德其何以踰延陵之墓空此嗚呼存歿終始遐哉邈乎

右僕射太子少師唐璿神道碑 蘇頌

欽若於天者謂之代工覆冒于人者謂之成務則調元氣

法三象鼓洪爐宜萬物其代工成務之本也簡大僚所以

服其事明先正所以詔其功卜熊羆所以占其兆從龍虎

所以合其應匪徒然而已哉有唐元老宋公侯矣公諱璿

字休璟晉昌酒泉人也昔在夏商大夫陳其氏姓泊遷

晉季子聽其聲樂豈軒之後唐之遺乎既仕楚而聞魏亦

家秦而滅項涼武昭王攬中州之傑居右地之盟七代祖

晉昌宣王和佐厥威霸守其夷險故累為郡之首族粵宣

公遠我曾祖驃騎大將軍開府儀同三司贈兗州刺史諱

某世位大將軍二千石大父洛陽令朔方郡贊特贈秦州

都督諱某烈考咸陽令贈岐州刺史諱某操斧鉞班珪瑞

者耀洪烈於四世垂餘風於百里於穆不已莫之與京公

初髫而孤入則孝出則悌承於母兄之旨及冠而立學以

聚問以辨從於師黨之言焉張嘉運先授於易森然可見

者萬象賈公彥次授於禮坦然可觀者百度射策高第初



補吳王典籤歷綿州邑西尉同州馮翊主簿弗之好也嘗  
欲屠郅支刺樓蘭執渾邪逐呼韓始自謀於將帥終見器  
於公輔遂爲踈勒道行軍從事策勳至上柱國授營州都  
督府戶曹叅軍尋以朝散大夫檢校朔州刺史蓋養能而  
成績矣轉安西副都護檢校庭州刺史長壽中武威軍大  
惣管王孝傑之復四鎮實賴其謀表公爲西州刺史涉龜  
沙薄烏壘牙精絕慰渠此之謂也公至則扶厥傷止其擅  
因所利補其闕故西州之士刻石而建碑焉無何遷靈州  
都督新昌軍防禦營田等使入蕭關殺都尉絕梓嶺討符  
離此之謂也公至則城彼方要其險狎諸野墾其實故此  
地之大者有備而無討矣就加銀青光祿大夫入拜左

翽將軍遷司衛卿未幾攝右肅政大夫檢校涼州都尉  
節隴右諸軍事叅警夜之肅嚴不時之敬事典之常者性  
公是遷受南憲之寵惣四方之役邦家之急者繫公是任  
其年麴莽布支率種落數萬寇於洪源也公訓鉦鐻完甲  
兵以禦之虜見積尸之凶我懸斬級之賞遁則忘草在而  
蒙棘他他籍籍不可勝云朝實休之除右武衛右金吾二  
大將軍俾仍舊鎮雖貴而不留中也先后稽六官之本思  
五法之要自我聰明惟天照鑒乃拜公文昌夏官尚書同  
鳳閣鸞臺平章事隱心而行正色不撓功多微管議切安  
劉中宗之踐副君旁求中庶特轉公大夫太子右庶子加  
金紫光祿大夫知政如故召綺里而稱叔孫也屬駕言北



垂薄伐東鄙復公爲夏官尚書兼幽營二州都督安東都

護按河北

一作翔

之州軍

一作軍州

自卽鄜巡遼碣貪夫廉而忌

法戰士逸而待寇且有倫要而無怨讎神功初徵拜輔國大將軍同中書門下三品遷持進尚書右僕射食實封三百戶已而居守秦雍今之揆路古曰台司百寮師師萬事理也分郡闕而興之鎮京師以留之豈富人始封亦鄩侯之大任位益高而勇退年愈邁而思止抗聞旒宸密奏封章久之聽致仕進封宋國公朝朔望天子方崇文太學講武宣揚延首鴻儒傾心碩老復以公爲太子少師監脩國史乞言而書法也景雲初匈奴請公主盟使臣爲約未堅致辭或給國命公爲持進檢校御史大夫朔方軍大

管以禦之伏宸威肅戎令人莫聞於吹大騎寧憚於射

舉則全師還而罷事將簡棄軒冕神明芝木然邦有大禮

樂大政刑率由典謨罔不資度享年八十有六景命不造

延和元年七月戊子薨於長安懷真里第嗚呼哀哉皇上

聞哀撤懸出次揮涕追柳莊而承命

一作亟赴

思鄭產而安歸

制贈使持節都督荊州諸軍事荊州刺史贈物四百段米

粟四百石喪事官給仍差官四品一人監護有加等也太

常考行謚曰忠書不云殷之得傳用訓朕志而承其道雅

不云周之命程是我戒我師而就其緒於戲惟公浚明前

典允迪古訓惣而成之入則獻規出不言政石建孔光之

比决勝千里通知四夷子房克國之亞爲將軍尊重於位



而謝賓客公之不敢專為丞相開陳其端以歸人主公之  
不敢伐如是則鏤彝器圖旂常載史官列盟府矣夫翠鵠  
犀象非不鷲也有其用則不全麟鳳龜龍非不靈也無其  
時則不至若乃時已借用不竭身已康名不滅者既明而  
且哲也公上惟祖禰傍至功總頃於槐里之間謹原之右  
卜其兆圖其域各以族而為之度焉臨薨戒諸子曰儉則  
自完孝不忘本吾之志矣嗣子陳州刺史先脊左千牛中  
郎將先擇等克奉遺命能循懿業以年月日塋于舊塋亡  
夫人太原王氏從祔禮也昔禽息進里奚於秦而穆公之  
政厚虞丘進叔敖於楚而莊王之力霸故有世祝而代祿  
焉則我師臣計功胤子私風小彼秦楚之事大哉常平之

可久者敢作銘曰

稽古陶唐惟帝之初遷虞事夏俾侯而起居盤峻峙今德  
之祉亦曰綿系誕生君子丁君子伊何邦之宰臣宰臣伊何  
秉我洪鈞登于廟堂王則是保服于戎狄公嘗致討事惟  
一心恭乃三命從讓願老歸閑體正天也不慙人之云亡  
大夫掌域郡公會喪咸陽北坂渭水南渡其如邢山求此

防墓

王則是保疑  
作王躬是保

侍中兼吏部尚書裴光庭神廋碑 張九齡

夫道遵常習故蓋人拘於凡也得精一麤是天縱於聖也  
方聖上之拔大師也豈籍譽於朝廷也徑取士集作於無  
跡懸收功於未朕而終致大用克成才勛使祖虛名者見



西子而憎貌工橫議者聞魯連而杜

乃知古謂則哲維

帝其難今之得人遇聖為易能允明

之鑒不負真賢之

實者其在正平中憲公乎公諱光庭

連城河東聞嘉人

也伯翳之後與秦同姓始封于裴因

命氏在魏晉之際

為人物之傑與瑯琊王氏相敵

謂之八裴八王自茲

厥後弈代更盛大王父定周大尉軍馮翊大常瑯琊公大

公仁基隋光祿大夫追贈持節原州都督天之既厭隋德

矣見危致命不亦難乎謚之曰忠憲春秋之義也父行儉

禮部尚書兼定襄道行軍大總管聞喜縣公贈太尉時或

有姦集作奸王命矣禁暴安人不謂重乎謚之曰憲尊名典

也公即獻公之第七子降神元和含光不耀越在初服集作

已有老成雖遠大是圖而近識莫悟學探帝載何事

名業綜人倫豈矜一善弱歲居太尉獻公喪幼以孝聞尋

補弘文館學生神龍初明經擢第授家令寺丞轉太常丞

加朝散大夫景龍中以親累外轉尋入為陝王友改右衛

郎將丁晉國大夫憂柴毀骨立殆王滅性服免起為月州

別駕未之就也復除右衛郎將無遷率府中郎嗟乎有

其道而無其用不可行也得其時得其志亦不可行

也公負經綸之器韜王霸之畧自委臺棲遲下位出

外從事十數年間坦然而自若者何哉知才有所必伸

命有所必與非苟而已開元中聖上田祿之休烈嘉太

尉之元勳是必象賢其將大受特拜司郎中轉兵部仙



臺之文始應列宿鴻漸之羽可用為儀 鴻臚少卿以觀

其能也是歲天子有事于岱宗諸侯會 于行在執籩豆

者不限於中外獻琛集作 賚者亦勤於駿奔莫不來享無

有遠近而執正以公代曉邊事職在行人且曰夷狄恃集

此豺狼黷盟阻德我今有事戎或生心我張吾師有備無

患若何公曰不可夫封禪者所以告成功也觀兵者所以

威逆命也云亭苗扈非一時之事也受服執燔非三代之

禮也天方佑我光啓舊服憬彼獯鬻能違天乎無庸勦人

可以謀告從之秋九月突厥果使其相執失頡利發與其

介阿史德噉泥熟來朝公之謀也東封還遷兵部侍郎所

父之職夏卿之亞存而與者悉以咨之公於是考遺訓精

闕典蒐苗循符之禮詳施稅簡稽之賦 周禮大司馬施

改施頒九畿之政設九伐之刑以練國容以精軍實邊鄙

不聳帝用嘉之既而拜中書侍郎同中書門下平章事兼

御史大夫王出其需乎人有歸也天憲惟明肅乎人知

禁也尋加銀青光祿大夫換黃門侍郎俄遷侍中兼吏部

尚書弘文館學士惣百揆之樞轄酌九流之泉 集作淵 奧

叶文軌之殷受天人之和木 集作 火象鼎其惟實鍊山川

出雲用作霖雨時哉之會無得稱焉先是大化之行務以

玄默遵夫易簡舊章在而不議吏道雜以多端公於是求

革故之實契隨時之義作秩序以平之設循資以定之謹

權衡以選之考殿最以叅之姦回無所措其邪嚙啗不能



介其量多士動色群方改瞻仰之者邈乎如山窺之者間不容髮或曰執事無乃惠歟公曰大命敢不敬歟若然方將致六符於泰階驅百姓於仁壽豈直睥睨先正集作世唐諱

紛綸近古汨而隨流守而勿失云爾哉二十年冬上幸河

東祠后土命公兼左軍師禮畢賜爵正平男加光祿大夫

云集無此字抑人有言曰樹善莫如滋積仁莫如重則臧僖之

慶有後於魯樂武之德未絕於仁宜公侯之子孫必復其

始也公嘗讀易至乾之屯升之漸喟然嘆曰物惡有滿而

不溢高而不危者哉既而居不崇侈動無踰法雖百乘之

家萬夫之長冲如也謂日用不知存諸方冊何天年未永

瘼此台臣二十有一年春三月癸卯遘疾薨於京師平康

里之私第春秋五十八朝廷哀傷見流震悼制戶部尚書

杜暹即殯弔祭賙集作賙物五百段粟五百石喪事優厚官

供輟朝三日丁未有詔追贈大師謚曰忠憲使其某官某監

候喪事以某月日葬我忠憲公於闡喜之舊塋禮也初知

星者言上相有變良臣將歿謂請讓之公曰使禍可禳而

去則福可祝而來也論者多之以為知命夫天下之達道

有五所以行之者三曰忠孝仁安君忠也榮親孝也周物

仁也此三者有一於集作于身鮮矣而公實兼之且媚于人

者必好其威福賢於事者必羞其謗政公知其然則以直

道匪躬之故忠莫厚焉禮為人子春秋以致享義於人臣

夙夜以從命公知其然則以時告如在之敬孝莫重焉夫



以衡石之任陶鈞之力莫不責於下吏求備於一人以故  
舞文雷同疑獄歲構恬而不改浸以成風公知其故則以  
信察御物之惠仁莫加焉其行已奉公皆此類也嘗所著  
述率于箴規以為博叙九族本枝百世集作王者之盛也  
而義不可以無訓作瑤山往記維城前軌以諷之微而彰  
志而晦聖人之舉也道不可以虛行作續春秋自戰國迄  
于周隋以統之臣子義也天人之際備矣非洽聞通理其  
孰能與於此乎宜其存無幸人歿有遺愛嗣子積京兆府  
司錄事參軍孝實克家動必中禮丕承厚命紆天鑒而增  
華敢跡前脩琢豐碑而不朽銘曰  
益作舜虞鍼分晉土惠流入族德盛三祖琅琊象賢懷文

佩武光祿忠烈殺身報主尚書出將恢我王畧文教內敷  
武功外鑠緇衣之弊惟公繼作用晦而明處豐思約鴻臚  
好謀夏卿稱職代天施化佐皇立極納于憲府好是正直  
乃宅冢司謀猷允塞盡瘁事國夙夜在公居無闕正歿有  
餘忠天子命我頌德銘功日月有既令聞無窮



文苑英華卷第八百八十四

文苑英華卷第八百八十五

碑四十二

神道三

將相三

故相國杜鴻漸神道碑一首

冀國公贈大尉裴冕碑一首

故相國杜鴻漸神道碑

元載

皇帝正位建元之二年巡狩至陝郊季冬旋軫鎬京乃春  
 王正月臨前殿延群臣制詔太常卿衛公鴻漸研機味道  
 圖疑作翰人師俾時不迷倚以為相史臣載與公同官西  
 掖聯務中樞入則並金門躋玉堂出則偕車輿馳廣路好  
 我不淺德公亦深建千薨俎得入公之室睹公之奧節以  
 危難而固義以顛沛而彰故得復公之道察公之行開而



當名品物定辭觀公之辨政消煩解結逢機立斷試公之  
與物藥未扣猶陪行止彌留方殆必參嘗藥禱名者世人  
之所重終不為天適見公不在居死者有情之至哀賢於  
貴生益知公之能達古史之云流美而不揚乃廢職書而  
或畧近亦誣若然者則刊盛德於山阿藏茂勳於王府可  
也公帝堯之胤家于京兆春秋末諸侯耗盡炎黃唐虞之  
苗裔鮮有存者范宣子猶廣稱世閎盛誇穆叔而經秦涉  
漢百王千載名公大人駢衡繼武玄宗朝叔考選門下侍  
郎平章事以清節居東府垂拱中大父慎行荊州長史以  
文武式南邦開元之際皇考鵬舉安州都督以大名蒞淮  
浦公杜陵男子遼廓不羈性與道合旁通多可思挹瀛

自涯皆返將窺語嘿杳然難究輒孩

老子聖人皆孩之

時人不

下位歷揚州叅軍華縣尉大理評事司直關內度支副使

虛已而不疵於物存誠而受汙於俗天寶末將相交際海

內寒心家有襄陵之憂人懷崩角之懼公以為期死不勇

必生非任莫肯念亂誰無父母於是始有濟難勤王拯溺

定傾之意祿山果憑豺豕凌霄京畿輦洛成隴荒滄亟為

障塞命信臣梓

一作率

扼二華之險守河渭之隘以挫其鋒

分河隴材官據南陽當宛葉以遏其勢朔方節度中書令

汾陽王發綠邊利兵畧雲中出井陘以制其後汾陽拔公

為戎副倚公以幕畫公議無返顧計不旋踵戒器蒐乘接

食饋軍斯須決機閑暇辨劇故佩鐸亮徒未鼓而破恒陽



逆守先聲而屈時大兵深入後計在完勅公西歸本軍鎮撫喻告調發兵食保綏華戎會哥舒翰亦有為出師桃林

以不計合戰既而從散約解形離勢沮六軍拆北而莫濟上將授元而不歸強胡犯關長戟指關玄宗西巡巴蜀駐蹕槐里俾肅宗不從詔馬下受辭徵兵朔方東向問罪付

以神器之重勗以興復之謀肅宗承命感咽北馳惶怖郊無館穀之犒安定絕薪芻之餽始誅二守物情尚疑眾

纔一族邊郡猶驚遂踰平涼出蕭關直趣豐安阻河為固公乘疾一有涼西上奏謁於白草頓請借前著以圖安危

靈州四臨兵車之會長安新破人心正搖姦豪竊窺雜種園目眾情一呼而可潰危機視景而斯發北轅未改捨此

奚之豐安僻界西垂北臨沙瘴候吏不至疲兵徑度黨門晏關廻舟未具蒼皇朔裔蹈據無所非策之上也因條

列市租計入幕府文書守便宜山川要害肅宗撫公背曰靈武即我之關中河內卿亦吾之蕭何寇恂虜在目中凶

讎不足殄也即日大駕移幸靈州守則完郭戰有全兵伐鼓舉麾下令風生東極榆谿西泊先零莫不裹飯而趨揭

弓而走重足揮汗惟恐居後肅宗雖受傳國之誥平戎之約謙讓未發守持益固願以撫軍討賊賊盡歸報遙稟威

畧不正位號公與御史中丞裴冕率呼韓單于羗戎君長校尉部曲塞翁老將頓首勸進封章十上肅宗深自閉絕

留中寢答公獨排闥及雷披誠見意哀辭扣玉瀝血洒一作

留中寢答公獨排闥及雷披誠見意哀辭扣玉瀝血洒一作



漢地以為命不得廢讎不可玩稽天後時物駭人散文武之業墜而莫振非天子之孝也上亦躊躇感動廻慮遷思公乃陳儀撰吉登帝大位於是義徒推轂廻紇橫厲蹴踏咸陽網羅關外救楚請命夷凶滌穢收秦復洛翊帝霸世皆公之力也定策之初既以大功推裴郭疇庸之際竟以常資為侍郎達者多公之遠名明主善公之能讓披我荆棘在主簿而難忘張良布衣固封留而已足五涼四戰之郊一作國荆州用武之地會稽淝河之險二都初定九服猶虞傾側動搖三方尤急東西萬里出入十年仗節擁麾更居迭撫公之在鎮河西無盜邊之警洞庭息三苗之禍海寇不動甄閩順軌得公之効也如彼公之罷守袁晁陷

越康元燒夷陵大戎奪酒泉匈奴舒右臂失公之患也此今上即位以公先帝大臣明於治亂漢庭儒雅習於制度往踐常伯登于相府禮崩樂缺自公綴之國綱天憲實公持之為上從容論天下事甚眾潛跡密啓一作疏明可否者非一慎深於削弊功隱於詭詞求泰中西南大將暴狼淫害腹心坐離師眾四潰雖事迫理順而形疑勢拒皇帝憫百姓之不辜哀群校之罹毒公奉辭授鉞單車詣蜀辨邪正於一言安萬夫之反側始公未至皆鴟張內恐狼顧外視及公申令則饑疑作飽德飲和且舞式歌岷峨既平雙流已清衛公告成乃眷以寧帝曰丞相善謀能權蹈難履危勤畧憂邊瑀弓弭旆策勲勞旋公拜稽首天子萬年公



有濟世勸難之才遺物離人之政自深根以寧抵每乘流而汨波及位極台衡動高梁益未脫羈瑣終悲晚暮雖陳乞已屢而優眷愈深來朝之明年首夏初吉以東都河南吳越荆楚保釐之任分鎮之務俾公居中惣統遙領是歲仲冬月朔羸憊遜位及乎既望生涯告盡留誠諸子申約道侶罷塗車芻靈之送黜聚俸豚楮之飾捐牢廢禮不封不樹解綬脫紳稅囊親主疑作土待久客一作得久容非而稽變是留歸而隔至從吾所好示祛俗累乃憊几喪偶知常委蛇恬然而終晏然而逝非合氣於漠得全於天駭形而忘損心具宅而無情死者其孰能至此極也惟公學奧九流技括衆藝忘象遺數達者知禮存於身而致於用也吉凶

吝散徽破詭應於化而鮮於物也技經肯綮理悟神對其翼宣大政左右明聖位冠群后聲施來裔載不虞非據偶得累公責重憂深心昏意擾公則弘我以命起予以道未嘗不體平神清忽在世表以過必告我躬是保實欲依公戮力仰答玄造然後乞恩歸印相誓將老今左相齊公與子雙拜齊公全才稀售懷寶鄙試塵垢糝糠陶鑄名器頡頏委運俯仰隨俗及乎培風撫翼立朝當國則骨鯁魁壘奮揚蹈厲端莊寤主饑渴憂世執邪遵法起墜振廢方知達觀無早計月固不勝火逢指就而知人拆大木而惟我時稱並用房杜所謂同登管樂式是百辟惠余小子爲新非固服我甚忘散袞未卷高秋已行唯余與王相顧求



傷鄙夫誅德齊公洒翰將愧強名慙蔡篆之以疑其詞曰  
陽驕必折陰勝亦邪剛柔雜居賢聖之家堂堂衛公含和  
用中為保自易當難不逢首陽誠拙柱下非工簡牘末位  
致命危邦自西徂東足趺頭蓬簡稽衣食賦政理戎經營  
指揮雲合風從定計翊帝革暴鋤凶退殊獨潔進不爭功  
出征入輔計文經武洗蕩三蜀雍容兩府神邁形局思深  
志違封禪留草東山不歸台光折耀白晝徂暉依仁孔夙  
履信不暮自天之佑宜無悔怒天之荐瘡時丁耗斲音如  
魚思涉若廢網罟或歲大旱孰為霖雨生公則惠喪公何  
苦形有必行死無不之誰存封域誰制喪期平臯漫澶野  
蔓離披延陵已遠戈者何知

冀國公贈太尉裴冕碑

前人

王者纂大業以拯時難君子合天符以成聖功在殷之傳  
說周之申甫漢之博陸其類也臨大事一作息首大謀君子  
正位邦國是憲其道也琰圭火龍玄社朱戶其祿也古之  
人遇其時行其道濟其業受其祿嗚呼裴公斯近之矣公  
諱冕字章甫河東大族著於系譜曾祖澧州刺史諱懷感  
祖滑州司馬諱陟考長安丞贈司空諱紀自司空而上世  
累清德公全襟以受其形器混冥以養其精和隤然大不  
為累方駕前古其禮容誠敬可陳於蠻貊施一作饗於鬼神  
宜乎吉凶變幽而偶聖君精義致用而審天道天寶十四  
載皇上避狄于華陽肅宗偽遊于幽朔公以御史中丞奉



詔翼贊元良釋位濟河會于靈武與侯伯卿士官師亞族  
考大德除殘之運唱靈祗億兆之心負金璽玉旒為人請  
命于西土維天意群謀是告而蒼生災害是懷于時冊禮  
既畢公乃自左庶子拜中書侍郎平章事從時望也帝曰  
予欲教能罷食德偷公於是乎請蒐于岐陽朝于鄴宮以  
干鉞陳師以蠻夷誅暴公定大業運開中興帝曰予欲端  
百揆詔典司乃命公為尚書左僕射於是乎綱理庶工四  
方來同左右始終十有三祀初自縣聯屬署監察御史嘗  
有姦蠹吏公按之時寵權臣之戚也黨其祀而請于公公  
竟正刑書不為勢屈時論以公有不可奪之節故肅然由  
是歷侍御史尚書郎者五其中以直遇坎牧蠻溪者二以

時當任兼憲臺鎮梁益各一以勳封冀真食五百戶以

開府儀同三司大曆一有十四年冬十一月今上念伊尹

之一德思孔光之再起詔復入相旬有二日隸河南江淮

副元帥東都留守是月辛酉薨于長安年六十七翼日冊

贈太尉明年二月葬于京城南畢原詔京兆尹護喪事贈

布八百段凶儀葬帛具俾出有司昔在天寶之季公嘗為

御史大夫王鉷讚毀無何鉷第鐸坐大逆有詔廷辨而亮

首詞引及鉷公自下列抗其矯誣朝廷謂之不黨其後程

元振僭用威柄有道從虎貴公停車致詰面拆及雷在黜

無愠德仁遂行君子謂公誠盡於忠者在於禮外其身故

臨難不惑一其守故當事則明磅礴乎死生之間逍遙乎



晦明之境公嘗北使殊俗班命禮表單于君長稽顙屈膝  
覩王商而知懼從魏絳而來服以言尚其直以動尚其順  
以成事尚其濟物以進退尚其得中孝弟愛敬格于天地  
惇信明義通於鬼神帝王得之以奉天時百官得之以脩  
典憲佐命者二后歷事者三朝皤皤華皓為國元老執璧  
奉珪一作觶在君之堂生食邑土歿垂惠愛豈祿以為尊者  
其孤正授辭家老請志于石以代三鼎林鍾之義銘曰

元精一作混元降靈建乎人極邈矣冀公順帝之式鴻造覆育  
大鈞埏植業濟功成保和居直帝念髦碩二登輔翼為時  
養賢以及萬國昔在上帝降命元老以仗愷元一作以以  
明至道唐歷中否亦命我公順人載疑作天戡黎代共德

謝靈運仁沉海竭大厦梁崩崇山玉折冠頰袖前古網縞  
鞞憧豐碑耿耿鴻烈永傳億祀遺芳不滅



文苑英華

八百八十五卷

文苑英華 卷八百八十五









